

MWAAKWE AAKATI KA MAKKALO

AA MBUNGANO ALI CILOBA A

ZINAMATIZYO ZILI CILOBA

 Kwasiya kabotu, beenzuma. Calo ii–ii ncoolwe cipati kujokela omuno mu ng'anda ya Mwami, sunumasiku, mu kuswaangana, a kuciponena aa i–i mana kuzwa cifumo cino, kuteeti buntu bwesu bwa lelekwa kapati loko kwiinda ku Busyu Bwako bulemu. Elyo lino, sunumasiku, tu laba ii...kutalikila aa ciiyo ca: *Mwaakwe Aakati Ka Makkalo Aa Mbungano Ali Ciloba A Zinamatizyo Zili Ciloba*.

² Elyo Ndali kukanana buyo, masikati aya, ku mweenzuma. Elyo ndiza, na Mwami wayanda, ciindicimwi mainza aya, ikuti na Ta nditoli ku Muunzi, na—na, Nde elede kupilukila, kuta unka kumasi alandukwa lwizi na kumwi, Ndi yanda kuyouma alimwi aa Myeembo yamamanino ili ciloba, mwabona. Elyo ila swaana yoonse antoomwe. Elyo—elyo mpawo kuli Zipenzyo zyamamanino zili ciloba muli ceeci. Elyo zila sangana ncobeni zyonse antoomwe, mbuli mbo tuyu bona twano yabuya.

³ Aboobo, sunumasiku, kuciindi notu baanga tula batama... Mebo ndiza ndilaba aa ciindi cilamfu buyo aniini sunumasiku. Akwalo antomwe... Mbweyo jokela buyo Mebo okuno, lino... Koonse kukambauka Nkwe kacita mu Phoenix, Nse kaanga jwi ciindi comwe akwalo, mwabona. Mbo mbubo. Elyo, oh, ma, obo Mbwe kakambauka canguzu! Elyo ku, Nda syoma, kwakali kuswaangana kuli makumi obilo aciloba, kakutakwe kwaanga jwi. Pele mbube bwaciindi okuno, nywebo mwabona. Cabuubauba buyo, nkubi buyo okuno, ikkuti buyo. Kwalo nciimo buyo cibyaabi okuno, alimwi, kwa nseba, nywebo mulizi, eco Nce pandulula, kwalo—kwalo—kwalo nkubi. Elyo kufumbwa mukambausi ujisi ii...oyo ukanagan, ujisi kameneno kabi, ku kutalika.

⁴ Ii—ii mweenzuma dokotela wakalangalanga mu kameneno kangu, ciindi cimwi, kubona eco caka lubide. Wakati, "Kwiina." Wakati, "Yebo ujisi buyo makwa mu tutambo twajwi lyako omuya." Wakati, "Ayo azwa ku kukambauka." Ee, Ndi—Ndi—Ndi baanga ndabotelwa eco, nywebo mulizi. Eco caka ndibamba kulimvwa kabotu, kufumbwa kuti cakali kukonzya kubikkwa ku kukambauka, nywebo mwabona. Inga caba cibotu, ku Bwami bwa Leza.

⁵ Lino, ambweni inga tii twa bweza mu mibili yesu caando ca Je-... ya Jesu Kristo, mbuli Paulo mbwa kajisi, kuzwa ku kuumwa. Pele inga twaba a caando cesu kuzwa ku kukambauka a kupa majwi esu ku kulwana zintu ezyo zilubide. Aboobo, tuli lumbide kuti ta tweede kuumwa limbi, kapati kusika ku ciindi ecino. Aboobo tu—tu li...

⁶ Mbangaye bali omuno baka bala *Ino Nciindi Nzi, Baalumi?* Na, mwa kaumvwa, nywebo mulizi, *Ino Nciindi Nzi, Baalumi?* Eco caka ndipenzya aniini. Ikuti na tonna, Nda lombozya, nzila imwi, ikuti wakonzya kuu swiilila, na nzila imwi. Kubaanga caka ndipenzya. Ndali kuyanda kulosya buyo eci kakutanaba kutilika kuswaangana. Kutandila—kutandila mvwiki na mazuba ali kkumi ainda, Nda kali nyongene kapati. Nda buyo... Tii—Tii—Tii ndakacita buya, Tii ndaka konzya kubweza kuswaangana a cili coonse, nkaambo Tii—Tii ndaka cizi. Ca kaboneka mbuli kuba cintucimwi cakali cibyaabi, elyo Nse kazi buyo mbo cakabede. Aboobo Ndi...

⁷ Cifumofumo cimwi, Nda kabuka, kaunka kutala mu Golonkolo lyaku Sabino. Kwalo, kuzwa ku ng'anda, maminiti biyo atandila ku makumi otatwe keenzya ku i...na makumione, kumbele lya Golonkolo lyaku Sabino, mpawo kuli mugwagwa oyo utanta mamaile ali makumi otatwe mu mulundu.

⁸ Cisi cigambya, kutala okuya. Nda konzya kuba okuno mu lukula, oko kuli makumi ali lusele a makumi ali fuka, ndyoonya lino, alimwi mu maminiti ali makumi otatwe mu caanda ca tukokola tuli lusele kulampa, mwabona, atala lya mulundu. Twa kali ku Phoenix, calinolino buyo, oko nko kwakali makumi obilo amwi, madigilii ali makumi obilo a lusele. Ba kajisi ciziba caku sambila cakali kupya, alimwi bantu kaba samba. Elyo kutandila kweenzya kwa maminiti ali makumi one kuzwa kokuya, akali makumi one aansi lya ziro, ku Flagsaff. Mwabona? Olo ndwandaano kuzwa ku myuuwo yaatala a lukula. Elyo kwanseba mbotu loko ku balwazi baasima, abamwi bambi.

⁹ Pele, lino, Nda kaunka kutala mu golonkolo pati, alimwi Nda katanta mujulu maningi mbuli Mbwe kali kukonzya kuunka. Elyo Nda—Nda—Nda kabuzya Mwami, kuciindi nke kkede atala awo, eci coonse nco cakali kwaamba, a zimwi zimbi. Nda kabaanga ndapenzegwa, nkabela nsekazi eco cakucita.

¹⁰ Elyo aboobo kuciindi Ne kali kupaila; cintu ceenzu caka citika. Ndi—Ndi—Ndi yanda kusyomeka. Lino, Ne kakonzya kumvwa ng'onzi. Ni kwa kakonzya kuba mbuli kunywangwamuya, na ni cakakonzya kaba ii—ii—ii cilengaano. Ndali kutandila kuyaama kusyoma kuti cakali cilengaano. Kuti, Nda ka tandabikide maanza angu, nkeamba, "Mwami, ino oku kubbotoka kwaamba nzi? Alimwi baamba nzi Baangelo aba bali ciloba mu cikama ca—ca piramidi, kaba ndibweza kuzwa aansi a kunyonena kutozya kujwe, ino caamba nzi?"

¹¹ Nda kaliimwi okuya, mu mupailo, nkabela cintucimwi caka citika. Elyo, lino, cintucimwi caka wida mu janza lyangu. Elyo Ndi lizi, ikuti na tomvwisyi zintu zya kumuuya, inga caboneka kuba ceenzu loko. Pele cintucimwi cakauma mu janza lyangu. Elyo, cindi Ne kalanga, lyakali cceba. Elyo cijatisyo caka bambidwe aa ngale, ngale mbotu kapati eyo Nje kasola kubona. Elyo i—i mulindizi, nywebo mulizi, oko... Nda yeeyela kuti nca kulesya maanza ako kuzwa ku kutendwa, nywebo mulizi, kuciindi wa... i—i bantu bakali kulwanya zilwanyo; yakali ngolide. Elyo mbali ya sikela tii yakali ndamfu maningi, pele yakali kubosya buyo mbuli mbeli; alimwi yakali kubalama mbuli nsiliva. Elyo cakali cintu cibotu kapati Nce kasola kubona. Ca keelela kabotu mu janza lyangu. Elyo Nda kali cijisi. Nda kati, “Sa eco tacili cibotu!” Nda ka cilanga. Elyo Nda kayeeya, “Pele, nywebo mulizi, lyoonse ndayoowa cceba.” Nda kabaanga ndabotelwa kuti Nse kapona mu mazuba nge bakali kwaabelesya, nkaaambo Ndi—Ndila yoowa ntibba. Elyo aboobo Nda—Nda kayeeya, “Ino Nda libelesya nzi elyo?”

¹² Elyo kuciindi nkejisi, mu janza lyangu, Jwi kuzwa kubusena bumwi lyakati, “Eelyo ndi cceba lya Mwaami.” Elyo mpawo lyaka ndisiya.

¹³ Ee, Nda—Nda kalibusya eco ncolyakali kwaamba, “Eelyo ndi cceba lya Mwaami.” Elyo Nda kayeeya, “Ikuti Ni lya kaamba kuti, ‘ii cceba lya mwaami,’ ne kunga Nda ka cimvwisy. Pele Lyakati, ‘i cceba lya Mwaami.’” Aboobo kwayanda eci Nta caambi kabotu, pele Nda kayeeya kuti, “Kuli Omwe biyo, i Mwaami, oyo ngu Leza. Elyo cceba Lyakwe ngu *Leeli*, ‘Libosya kwinda cceba lya mabemba obilo,’ mwabona. ‘Elyo mwa kkalilila muli Ndime, a Majwi Angu...’” Mwabona? Elyo Nda—Nda kayeeya...

¹⁴ Mu kulwanya zilwanyo, nywebo mwabona, alimwi mbuli Mbwe mvwi... Nse mvwisyi bbala lyomwe lya ndilyo, pele, na mulazyo omwe a kulwanya zilwanyo. Pele, ku kumvwisy kawangu kubotu, intibba ka yuuma atala. Elyo mpawo, kumalekelo, i—i macceba, ikuti na akkiya, sinkondo alimwi wakkiya macceba, mbuli *boobu*, mpawo citola nsana zya muntu uulwanya zilwanyo. Nkaambo, mwabona, cceba lyakwe nilya katondeka ku moyo wangu, a lyangu kuli wakwe, pele aka kkiyana, mbuli intibba zyesu kazyuumana. Elyo mpawo zya uma, elyo mpawo macceba aboola antoomwe. Elyo umwi inga watonta umwi umbi aansi, cceba kali tondekede nkoonya ku moyo. Aboobo citola...

¹⁵ Nekubakuti cceba ndi Ijwi, citola janza lya lusyomo lukali lwaku Li jata awo, ku Li leta ku moyo sinkondo. Lino, muku taziba zintu ezi, pele buyo... Koonse Nkwe katambula kwa Nguwe, oko Nkwe konzya kwaamba, Nda kamwaambil. Aboobo, kuti, nywebo mulizi, Nda syoma cakali... Sa takali Mwami wesu wakati, koonse Nkwa katambula kwa Taata, oko Wa ka kwaamba, a kuta sisa cimwi? Elyo—elyo aboobo tu yanda

kucita zintu ezyo mbuli mbo ziboola ncobeni. Lino, ikuti na mulaba basongo loko, a kupaila, Ndili masimpe muyo mvwisya cintucimwi calinolino, lino, cintucimwi eco Nce syoma kuti cili yubunwidwe.

¹⁶ Lino, mu Bbuku eli, toonse atu jule lino ku i—i cipati 5 ca Bbuku eelyo litegwa I Ciyubunuzyo ca Jesu Kristo.

¹⁷ Lino, juunza masiku Ncinamatizyo Citaanzi. Zyalo, Zinamatizyo zitaanzi zyone zya kajulwa, kwiinda kuli basikutanta mbizi bone, omwe aa Cinamatizyo acimwi eco cuuma nyika. Elyo mpawo, antela, ta zinooli zilamfu, kusikila twamana kwiinda kutandila... Muvulo, Bwabili, Bwatatu, kutandila Bwane. Mpawo, Nda yeeyela, ali Cacisambomwe... a Casanu, Cacisambomwe, a Cinamatizyo Caciloba, ambweni ziyooba zilamfu loko. Aboobo, ndiza ciyo mupa ciindi aniini kuzwidilizy zimwi aniini.

¹⁸ Tu kanza katalika miswaangano okuno, Nda syoma, aa seveni, mu masiku aamvwiki. Elyo Nde elede kuba aa cibumbili aa seveni theeti, eni. Elyo mpawo eco inga catu lekela kuzwa akati kamasku. Aboobo—aboobo, Nda—Nda indilizya oora, cifumo cino. Nseli kukanza booboo, Nda buyo... Nse zyi cindi.

¹⁹ Nkaambo, Ta ndizi sikutanta mutaanzi kuti nguni. Ta ndizi Cabili, Catatu, Cane, Casanu, Cacisambomwe, na Cinamatizyo Caciloba. Mebo, kukaindi aka, Ta ndi zyi pe. Mwabona? Ndi yaamina buyo ali Nguwe. Aboobo nke kaambo, mukusola mvwiki eyi, ku luzyalo lwa Leza ku kugwasya, mukusyoma boobo, ikuti na mwa mvwisya cakusakana...

²⁰ Nywebo mulizi, mu zilengaano, to konzyi kuyubununa zintu mane wa zumizigwa kuyubununa. Nziindi zyongaye nyoonse nomwa kandi mvwa kwaamba kuti, "Konjila mu ng'anda, antela ngowani ili bikkidwe awa. Elyo mwana oyu umwi, na umbi, taka ponesegwa kusikila eyo ya bikkwa awa." Nse konzyi ku baambila, naanka kuti Nda konzya kwiitola awo. Ceelede kuba, kwitola, mu nzila imwi imbi. Muntuumwi umbi weeledе kucibweza a kwiitola. Elyo, zintuzyonse muncililano, mpawo cila konzya kuyubununwa.

²¹ Aboobo lino amube mu mupailo. Lino, katutana buyo kulanganya Bbuku, atwa ambaule kuli Nguwe, a mitwe yesu kiikoteme.

²² Mwami Jesu, ta tweeeli cakumaninina. Inga tii twasola, pe, kulanganya Bbuku eli lisetekene, mu oora eli lisalala kapati awo buntu mpo bujatilila magolelo aa ciindi, kakutakwe kubuzya, Mwami, kuti, Umwi alikke ngu konzya kuyubununa Bbuku eli, kuti Aboole kumbele lino, mu kuleleka kusoleka kukompeme kwa mulanda Wako. Kolongezya Ijwi mbuli mbo Li yutuka. Akube kuti Li inke mu nguzu zya Muuya. Elyo akube kuti busena bwa kumuuya ibwa i... abo bafwa nzala a nyota ya kuziba bululami a kuziba luyando lwa Leza, akube kuti Li wide omuya

a kuleta musyobo Walyo. Ko cipa, Mwami. Kulumbaizya koonse kube Kwako. Akube kuti abo bafwide nzala a nyota bajane cakulya a cakunywa, sunumasiku, kuzwa ku Ijwi. Twa cilomba mu Zina lya Jesu, Oyo wa ciyubunuzyo. Ameni.

²³ Lino, lino tuyu jula ku cipati ca 5. Lino, ezi tazili Zinamatizyo zili Ciloba. Walo mwaakwe aakati ka makkalo aa mbungano a Zinamatizyo zili Ciloba. Lino, akwalo kuli cipati 6 ca...

²⁴ Alimwi kwakali cipati ca 4, mubwini, ca Ciyyubunuzyo, elyo, muli ceeco, kubaanga caka yubununa cintucimwi eco ciyo citika kwakumana kutolwa kujuku kwa Mbungano. Kuti, Mbungano iinka kujulu mu cipati 3 ca Ciyyubunuzyo, alimwi tai bweedi kusikila ku cipati ca 19 ica Ciyyubunuzyo. Mwabona? Nkikaako, Mbungano tai janiki mu Mapenzi. Ndi lizi eco ciliimpene ku-ku kutandila loko ku mwiiyi oonse Ngwe kaambaula awe. Pele ta Ndi—Ndi—Ndi kanzi kuba sikwiimpana. Ndi—Ndi kanzila kuba munyoko, pele Nde—Nde elede kuyiisya buyo mbuli Mbwe konzya ku Li bona. Ikuti na Nse citi, Nse konzyi ku Li bikka antoomwe, nywebo mwabona. Elyo lino, naa Yalo iinka kujulu kakutanaba Mapenzi na kwaakumana Mapenzi, Ndi yanda kwiinka kujulu a Njiyo. Eco nce cintu cipati.

²⁵ Aboobo, zintu ezyo tu—tu ziyeeyela buyo, nkaambo, mukubula lwiiyo, Nda kozyanisya. Nda langa a kubona mbo cibede, na mbo cakabede mu Cizuminano Cakale, cili ncikozyanyo na cimvule ca Cipy, mpawo Nda jana muzeezo umwi wa ceeco Cipy mbo cibede. Mwabona? Mboli ikuti... Nowa waka njila mu bwaato mapenzi kaatana talika kuba, cikozyanyo; pele akwalo Nowa katana, mwabona, waka njila mu bwato, Enoki wakatolwa kujulu, mwabona, kakutana citika cintu cili coonse. Elyo Lota wakaitwa kuzwa mu Sodoma kakutanaba kapapu komwe ka mapenzi kakaba, ka lunyonyooko; pele Abrahamu wakali, coonse ciindi, zwide kuli ncico. Mwabona, zikozyanyo.

²⁶ Pele lino tula bala mu kampango ka 1. Njo bala tumpango tobilo tutaanzi na totatwe twa Ndilyo.

Elyo Nda kabona mu janza lya lulyo lya oyo waka kkede aa cuuno cabwami bbuku lilembedwe mukati a kunze, kali namatikidwe a zinamatizyo zili ciloba.

Elyo Nda kabona angelo wanguzu kaambilizya a jwi pati kuti, Nguni weelela kujula bbuku, a kunamatula zinamatizyo zya ndilyo?

Elyo taakwe muntu ku julu, nanka mu nyika, naanka kunsi—kunsi aa nyika, wakali kukonzya kujula bbuku, naanka ku Li langa. (Ino ndi Bbuku!)

Elyo Nda kalila kapati, nkaambo taakwe muntu wakali kweelela kujula a kubala bbuku, naanka kuli langa.

²⁷ Lino, wa kanana makani aa kutelela? “Ku teelela akwalo ku Li langa; taakwe muntu, kuli koonse.”

Elyo umwi wa baalu wakati kuli ndime, Uta lili: bona, mulavu wa mukowa wa Juda, Muyanda wa Davida, wa zunda ku jula bbuku, a kunamatula zinamatizyo zili ciloba zya ndilyo.

Elyo Nda kabona, alimwi, mpaawo, aakati ka cuuno cabwami a banyama bone, . . . aakati ka baalu, kwa kaimwi Kabelele mbuli mbo wakajaigwa, kajisi meja ali ciloba a meso ali ciloba, iili Myuuya ili ciloba iya Leza yaka tuminwa mu nyika yoonse.

Elyo wa kasika a kubweza bbuku kuzwa mu janza lya lulyo lyakwe oyo waka kkede aa cuuno cabwami.

²⁸ Tula pumuzya awo kwa kaindi kaniini, kuzwa ku kubala Ciybunuzyo 5, kuselemukila ku kampango ka 7 kusanganya.

²⁹ Eli Bbuku lili namatikidwe a Zinamatizyo zili Ciloba lila yubununwa ku ciindi ca Mizuzumo ili Ciloba iya Ciybunuzyo 10, lino, ikuti na mula cilemba. Atu jule ku Ciybunuzyo 10, aniini buyo, kutegwa mujane kumvwisya kamutana ku cinjila. Lino, eci ncaku ciindi camamanino. Nkambo, amuswiilie:

. . . Nda kabona angelo umbi singuzu kaseluka kuzwa ku julu, kasamide kkumbi: a fulicoongo . . . atala lya mutwe wakwe, . . .

³⁰ Ikuti na mwalandisya, oyo ngu Kristo, mwabona. Nkaambo, Walo, mu Cizuminano Cakale, wakali kutegwa Angelo wa Cipangano. Elyo Walo uboola cigaminina kuba Juda lino, nkambo Mbungano yamana. Mwabona? Yaa.

. . . elyo busyu bwakwe . . . mbuli kuti lyakali zuba, a matende akwe mbuli misumpululu ya mulilo:

³¹ Mula muyeeya oyo Angelo mu Ciybunuzyo 1? Cintu nciconya. Angelo walo “mutumwa.” Elyo Walo Mutumwa kuli Israyeli. Mwabona? I Mbungano yaka kwempwa, mwabona, lino, na kulibambila kukwempwa. Walo uboolela Mbungano Yakwe. Lino amulangilile.

Elyo wa wakali jisi mu janza lyakwe bbuku liniini ljukide: . . .

³² Lino, awa, Lyakwe kali jalidwe awa a kunamatikwa; alimwi awa Lili julidwe. Lyakwe kali julwa. Kuzwida kuciindi eco ca kunamatika, motu njila sunumasiku, lino Bbuku lili julidwe. “Ii Bbuku liniini mu janza Lyakwe, muli Lyakwe . . . Lyakwe kali jukide. Oh, obo zuba, mbuli misumpululu . . .” Amulindile buyo aniini. Andi talikile kusule awa a kubala.

Elyo wa kali jisi mu janza lyakwe bbuku liniini lyaka jukide: alimwi wa kali bikkide cituta cakwe ca lulyo aa lwizi, a cituta cakwe calumwensi aa nyika,

Elyo wa koongolola a jwi pati, mbuli mulavu cindi navuluma: . . .

- ³³ Tu lizi kuti Walo Mulavu wa mukowa wa Juda. Atala awa Walo ngu Kabelele; pele awa Walo Mulavu. Mwabona?

. . . elyo cindi na koongolola, mizuzumo ili ciloba yaka ndindima majwi ayo.

- ³⁴ Lino, Johane wakalaililwa kulemba eco nca kabona, aboobo muapostolo, a musinsimi, wa kabweza peeni yakwe kuti a Ci lembe.

Elyo cindi mizuzumo ili ciloba niyaka ndindima majwi ayo, Nda kali kuyanda kulemba: elyo Nda kamvwa jwi lizwaku julu lyaka ndaambila kuti, Namatika zintu ezyo mizuzumo ili ciloba nzoya ndindima, a kuta zilemba.

- ³⁵ Lino, eco nce cintu ncotu tazyi. Eco ciceelede kuyubununwa. Ta cili mu Malembe Aasalala, eco Mizuzumo nco yaamba.

Elyo angelo oyo Ngwe kabona oyo wakaimvvi aa lwizi alimwi aa nyika waka sumpula maanza akwe ku julu, (lino amuswiilile)

Elyo waka konkezya kwiinda kuli oyo uupona kwa lyonse a lyonse, oyo wakalenga i majulu, a zintu ezyo zili muli ngawo, a nyika, a zintu . . . zili muli ngawo, a . . . kuti taku ceelede kuba limbi ciindi:

- ³⁶ Amulangilile! Nkaaka kampango Nke yanda kusika.

Pele mu mazuba aa jwi lya angelo waciloba, cindi aku talika kulizya, maseseke aa Leza eeleder kumanizigwa, mbuli mbwa ka tondezya ku balanda bakwe basinsimi.

- ³⁷ Lino, mwabona, maseseke aa Bbuku eeli lya Zinamatizyo zili Ciloba ayo yubununwa ku kulizya kwa Mulumbe a angelo wa mbungano yaciloba. Mwabona? “I angelo waciloba atalika kulizya,” elyo kuli Milumbe ilembedwe awo, alimwi tuli Ijisi mucimo ca teepu a bbuku. Lino, “Ku matalikilo a kulizya kwa Mulumbe, maseseke aa Leza eeleder kumanizigwa, mwabona, ku ciindi eco.” Lino tula bona. I Bbuku, lya maseseke aa Leza, tali yubunwidwe kusikila ku Mulumbe wa angelo waakulizigwa.

- ³⁸ Lino, eyi mizeezo iyo yandikana mu Zinamatizyo, Ndili masimpe, nkaambo lle elede, yoonse, ku kuswaanganya antoomwe.

- ³⁹ Lino, Ali lembedwe camaseseke, nkaambo taakwe muntu, alioonse, walo Wa zyi. Leza alikke, Jesu Kristo, mwabona. Lino, pele ngu. . . Lyalo ndi Bbuku, Bbuku lyamaseseke. Ndi Bbuku lya Lununuko. Tula njila muli elyo, mu kaindi kaniini. Elyo lino tu lizi kuti eli bbuku lya Lununuko tali kamvugwi cakumanininina; Lya kavwentaulwa, kwiinda mu makkalo aa mbungano ali cisambomwe. Pele ku mamanino, cindi angelo waciloba akutalika kulizya maseseke akwe, uyo manizya

zyoonse zyaka syeede kupandululwa ezyo balombwana abo nzoba vwentauzya. Elyo maseseke alaseluka kuzwa kuli Leza, mbuli Ijwi lya Leza, a kuyubununa ciyubunuzyo mbocizulwa ica Leza, mpawo Buleza a zintuzyoonse zimwi ziyo lulamikwa. Maseseke oonse, lunyungu lwa nzoka, a zimwi zimbi, zyeelede kuyubununwa.

⁴⁰ Lino, nywebo mwabona, Nseli pangili buyo eco. Eco ncintu... Ngu MBUBOOBU MBWAAMBA I MWAMI. Ndila Ci balila ndinywe kuzwa mu Bbuku, "I kulizya kwa Mulumbe wa angelo waciloba, maseseke aa Leza eelete kumanizigwa, ayo nga katondezya kwiinda ku basinsimi Bakwe basalala," abo mbasinsimi ba kalemba Ijwi. Ku kulizya, kwa bukkalo bwa mbungano yaciloba, bukkalo bwa mbungano yamananino, zyoonse zyakasyeede kupandululwa, ezyo kwiinda mu makkalo aya aa mbungano akavwentaulwa, ayo bikkwa antoomwe.

⁴¹ Elyo cindi Zinamatizyo zya julwa, nkabela maseseke ayubununwa, mpawo kuseluka Angelo, Mutumwa, Kristo, kabikkide cituta Cakwe aa nyika alimwi aa lwizi, kajisi fulicoongo atala lya mutwe Wakwe. Lino, amuyeeye, oyu angelo waciloba uli aa nyika ku ciindi ca Kuboola oku.

⁴² Mbuli buyo Johane mbwa kali kupa mulumbe wakwe, cindi nciconya eco Mesiya nakaboola mu mazuba. Johane waka lizi kuti uyo Mu bona, nkaambo wakali kuyo Mu zibya.

⁴³ Elyo tula mvwisya eco, mu Magwalo, omuya muli Malaki 4, kuleelede kuyooba umwi mbuli Johane, ii—ii Eliya kuli nguwe Ijwi lya Leza nko likonzya kusikila. Elyo weelete kuyubununa, kwiinda ku Muuya Uusalala, maseseke oonse aa Leza, a kuboozya Lusyomo lwa bana kujokela ku lusyomo lwa bamatata baapostolo, kuboozya maseseke oonse ayo aka vwentaulwa, kwiinda mu myaka eyi yatubungwe. Lino, eco ncencico Ijwi ncolya kaamba. Ndi jisi mulimo buyo wa ceeco Nco lya kaamba. Mwabona? Cili—Cili lemedewe, cili luleme. Eco Mbo cibede.

⁴⁴ Lino, tula bona kuti eli Bbuku lya Zinamatizyo zili Ciloba, lino, ndya maseseke aa lununuko. Ndi Bbuku lya Lununuko, lizwa kwa Leza.

⁴⁵ Lino, maseseke oonse, ku ciindi cino, eelete kumanizigwa ku kulizya kwa mutumwa oyu. Lino, *ngoooyu* angelo aa nyika; alimwi "umbi" Angelo, Mutumwa singuzu, waseluka. Mwabona, *oyu* angelo wakali angelo waanyika, mutumwa; pele *mpaawa* kwaboola Umwi kuzwa ku Julu, cipangano ca fulicoongo, mwabona, Kristo luzutu nguu konzya kuba.

⁴⁶ Mbubonya buyo mbuli mbo kwakabede mu Ciybunuzyo, cipati 1, "Kaimvwi akati ka Zibikkilo zya malampi aa Ngolide zili Ciloba, a fulicoongo, uboneka mbuli bbwe lya jasipi a sadiasi."

⁴⁷ Elyo mpaawa Wa bweeda, mu cipati ca 10, kumane kuboola kwa ciindi kuti ayo maseseke oonse naelede kumanizigwa a Zinamatizyo izyeede kunamatulwa, a kwaambilizya kuti calo, “Ciindi camana.” Elyo Wa kati, “Cindi angelo waciloba atalika kulizya, mpawo maseseke aeledé kumanizigwa, nkabela nciindi ca Angelo kulibonya.” Tuli munsi, kumwi. Yaa. Lino amubone.

⁴⁸ I Zinamatizyo zili Ciloba zijisi maseseke aa Bbuku. Kusikila tuka bone eco Zinamatizyo ezyo zili Ciloba ncozya kanamatika mukati, tu yeeyela buyo zintu. Nkambo, mbuli Mbwe mwaambila, cifumo cino, aa Mulumbe wangu musyoonto cifumo cino, wa Leza kayuba mu buubauba. Nywebo mwabona, tu—tu li... Tu li masimpe kwiimpya zintu citakuti Ca yubununwa, ncobeni kumaninina kwiinda ku Muuya Uusalala, a kusimpikizigwa mbubonya. Mwabona? Ikuti na musinsimi wabuka a ku mwaambila kuti Eci nca Ceco, nkabela Leza ta cisimpikizyi mbubonya, amu cilube. Mwabona? Pele Leza, mu kaambo koonse, mu zintuzyonse, waka Ci simpikizya, ku Ci lulamika. Mwabona? Aboobo, bana Bakwe bayo jata zintu ezyo, mwabona, a kupakamana, amuzibe.

⁴⁹ Zinamatizyo zili Ciloba aa Bbuku, zijisi i... Ezi Zinamatizyo zili Ciloba zijisi Bbuku lina matikidwe. Mwabona? I Bbuku lili namatikidwe cakumaninina. Sena mwa cibona? [Mbunga yaamba, “Ameni.”—Mul.] I Bbuku lyalo ndi Bbuku lina matikidwe cakumaninina kusikila Zinamatizyo zili Ciloba zya namatulwa. Lili namatikidwe aa Zinamatizyo zili Ciloba. Lino, ezyo zilaandeene ku Mizuzumo ili Ciloba. Mwabona? Ezi Nzinamatizyo zili Ciloba aa Bbuku. Elyo Bbuku talika, Zinamatizyo tazi kaangululwi kusikila ku Mulumbe wa angelo waciloba. Mwabona? Aboobo tu—tu yeeyela buyo; pele ciyubunuzyo cini ca Leza ciyo londolwa mu kulila, Bwini bwa kasimpikizigwa. Lino, nce ncico cini Ijwi nco lyaamba, “I maseseke eeledé kumanizigwa ku ciindi eco.”

⁵⁰ Alimwi eli Bbuku lya Zinamatizyo zili Ciloba, amuyeeeye, Lyakali jalidwe awa, mu Ciyyubunuzyo i cipati 5, a mu Ciyyubunuzyo cipati 10 Ca julwa.

⁵¹ Elyo lino tuyu bona eco Bbuku nco lyaamba kujatikizya nzila mbo Li juka. Elyo tali zizilwe kusikila Kabelele walibweza Bbuku, a kunamatula Zinamatizyo, a ku jula Bbuku. Mwabona? I Kabelele weeledé kubweza Bbuku.

⁵² Lili sisidwe. Lino amuyeeeye, “Taakwe muntu ku Julu, taakwe muntu mu nyika,” poopu, bishopo, kkardinolo, mwaalu ulanga cisi, na kufumbwa mbwabede, “uukonzya kunamatula Zinamatizyo, na kuyubununa Bbuku, cita Kabelele.” Twa kavwentauzya, a kuyeeyela buyo, a kutamvwisya, a kugambwa, nkabela—nkabela ako nke kaambo toonse tuli mu lupyopyongano luli boobu.

⁵³ Pele ku cisyomezyo ca Buleza cakuti eli Bbuku lya Lununuko liyo julwa cakulondoka kwiinda ku Kabelele, a Zinamatizyo zyawo ziyo bbamunwa kwiinda ku Kabelele, mu mazuba akumamanino muli motupona lino. Elyo tali zizilwe kusikila Kabelele wabweza Bbuku a kunamatula Zinamatizyo. Nkaambo, amuyeyeye, Bbuku lyakali jiswi mu maanza a Nguwe oyo waka kkede aa Cuuno cabwami. “Elyo Kabelele ula boola kuli Nguwe oyo uukkede aa Cuuno cabwami, a kubweza Bbuku kuzwa ku janza Lyakwe lya lulyo.” Kabweza Bbuku! Oh, cili sakene. Tula sola kuliziba ikuti na tula konzya, ku lugwasyo lwa Muuya Uusalala. Lino tu yamina aali Nguwe. Alimwi tuyon bona, akale, nku ciindi camamanino, “Calo ciindi caakumana.”

⁵⁴ Taakwe tubungwe tu jisi nguzu zya kupandulula Bbuku. Taakwe muntu ujisi nguzu zya ku Li pandulula. Ngu Kabelele Oyo Uli pandulula. Elyo Kabelele Ngu Umwi Uli kanana, nkabela Kabelele ula yubununa Ijwi, kwiinda ku kusimpikizya a kuleta Ijwi ku Buumi. Mwabona? Mbombubo! Amubone. Elyo tali yubunwidwe kusikila . . .

⁵⁵ Eli Bbuku tali yubunwidwe kusikila makkalo aa mbungano a makkalo aatubungwe akamane, “nkabela takucikwe ciindi.” Mwa cibona? Li yubununwa biyo kwamana makkalo aa mbungano a makkalo aatubungwe akamane.

⁵⁶ Ako nke kaambo cintu cili mu kunyongana kuli boobo sunumasiku. Mwabona, bala bweza njiisyio niini, nkabela bala leya *awa* kuya ku lubazu lumbi, kwaamba, “Eci nce Ncico!” Umwi umbi ula bweza njiisyio imbi, a kuleya ku lubazu *olu*, akuti, “Eci nce Ncico!” Elyo umwi aumwi uyaka kabungwe kunsi lya ncico, kusikila tu jisi myaanda ya tubungwe. Pele nekubabooobo, muli ncico coonse, tu bona lunyongano, bantu bala libuzya, “Ino Bwini niinz?” Ikuti na eco tacili ciimo cini sunu!

⁵⁷ Pele mpawo Wa kasyomezya, kuti, “Eelyo eco ciindi caakumana, kuyooba kulila kwa jwi lya angelo waciloba, alimwi mpawo Bbuku liyo yubununwa, mwabona, ku ciindi eco.”

⁵⁸ Lino, uta ambi kuti, kwiiina umwi, “Balo bantu tii bakafutulwa kaindi okuya.”

⁵⁹ Pele, maseseke, kutegwa kaba takonzyi kumvwisy! Obo Leza mbwa konzya kuba botatwe a, nekubabooobo, Omwe! Obo Lugwalo mbo lukonzya kwaamba kuti, “Amu bbizye mu Zina lya Taata, Mwana, Muuya Uusalala,” a kunyona a kwaamba kuti, “Amu bbizye mu Zina lya Jesu.” Mwabona? Oh, zintu zinji kapati! Mbobuti Eva mbwa konzya kulya apele a kucitya i—i kunyonyooka kwa inyika yoonse? Mwabona? Mbubotu zintu ezi mbo zikonzya kuba? Pele ayo maseseke aka syomezegwa kuyubununwa mu ciindi camamanino.

⁶⁰ Kwalo nkuniini, kwa zintu zyakasyeede kupandulwa ezyo...Aba basilumamba bapati bakasika aa cilao, mbuli

Irenaeus, a Martin, Musalali Martin, a Polycarp, a bamwi baindene, a Luther, a Wesley, a boonse aba. Mwabona? Mboli mbo baka boola a kupona buyo ciindi cikubwene ku—ku kubaanga nkuleta mumuni a kumwesya nguwo, pele ba kasiya zintu zinji mu—mu mudima. Ambali kwakasika Bukkalo bwa Pentekoste, mboli Bukkalo bwabana Lutherani, nkabela baka njila mu mitabi. Pele nekubaboobo, ncibotu, utaambi kuti tiiba kali kabotu. Bakali obo. Pele kuli zintu zyakasyaala kupandululwa, ezyo zita konzyi kusandululwa. Pele mpawo mu... Nkaambonzi? I Zinamatizyo tazina namatulwa, kuyubununa cakumaninina obo zintu ezi mbo zibede. Mwabona?

⁶¹ Pele mpawo, mu bukkalo bwamamanino, aya maseseke oonse aeleded kubambwa a kupegwa. Elyo Zinamatizyo zyeede kujulwa kwiinda ku Kabelele, a kuyubununwa ku Mbungano, elyo mpawo ciindi ta ciciko limbi. Mwabona? Mbocili cibotuloko! Mpawo, Bbuku, mpawo, ndi Bbuku lya Lununuko. Nkambo, mpawo Lila zumanana...

⁶² Elyo tula njizya, akale, obo bali zyuulu zili mwaanda a makumi one abone mbo ba njizigwa, abamwi bambi. Yaa. Abo mba Juda.

⁶³ Lino, lino, Paulo. Atu bale aniini. Ndi jisi amwi Magwalo aya, elyo Ndi yeeya kuti twe elede kwa—kwa Bala. Lino toonse atu jule; Paulo, mu Baefeso 1.

⁶⁴ Bunji bwabo Nda babona kabalemba. Bali jisi mabbuku abo alimwi bala lemba Magwalo, kwaengela mu Bbaibbele lyabo, ku ntobelanwa. Aboobo, eco—eco cili kabotu. Ndi yanda kuti kamucita boobo, alimwi mpawo kuya ku muunzi a ku Li langalanga. Mwabona? Elyo—elyo ikuti na wa Li langalanga, lwako, mpawo uyo—uyo Li mvwisya kabotu. Wabona? Ko Li langalanga buyo, a kulomba Leza ku kugwasya kumvwisyaya.

⁶⁵ Lino atu bale ii—ii Lugwalo Ndwe lembede awa. Baefeso 1:13 a 14, lino.

Muli nguwe akwalo mo twa kazumina, nimwa kamana kumvwa ijwi lya bwini, a makanimabotu a lufutuko lwanu: muli nguwe... ni mwaka mana kusyoma, mwa kaandwa a Muuya uusalala wa cisymezyo,

Uli ncizibyo ca lukono lwesu kusikila ku lununuko lwa cikono cakaulwa, ku kulumbaizya kwa bulemu bwakwe. Mwabona?

⁶⁶ Lino, kuciindi notu julide Magwalo, atu... Mwabona, Muuya Uusalala awa, Lwalo, ngo Cinamatizyo. I Muuya Uusalala walo Ncinamatizyo. Elyo Cinamatizyo citondezya (inzi?) mulimo waka belekwa, Muuya Uusalala mukuba Cinamatizyo ku mugame. Elyo ku mugame oyo, cindi atambula

Muuya Uusalala, mpawo ciindi cakwe ca kutongela camana, mwabona, nkaambo walo mulimo waka belekwa.

⁶⁷ Mbuli, Nda kali ku belekela kkampani ya njanji, elyo twa kali kunga twalongela myootokala ivumbilidwe a tugabba a zintu zyandeene kuzwa ku fakitori ibikka zilyo mu tugabba. Elyo, pele, mpawo, mootokala oyo kautana namatikwa, sikulingula ula zyunguluka, ku bona kuti na mootokala oyo waka longelwa kabotu. Ikuti na pe, [Mukwesu Branham wakamba maanza akwe antomwe lomwe—Mul.] ciindi citaanzi eka umputana antoomwe a cintucimwi, inga niwa kamwayaula zintu a kuzi pwayaula, nkabela—nkabela kkampani ya njanji njiya kapegwa kaambo. Elyo sikulingula oyo wakali kusoleka zintuzyonse, ku bona kuti zya kali kabotu mu busena. Ikuti na tii zyali obo, wa kasusya mootokala. Mpawo twa kacicita alimwi, kusikila sikulingula naka kkutila. Elyo mpawo cindi sikulingula akkutila, ula jala mulyango. I sikulingula ula jala mulyango. Elyo sikulingula ulabikka cinamatizyo ali ncico, elyo mpawo taakwe ukonzya kunamatula cinamatizyo eci kusikila casika nko ciya.

⁶⁸ Eco nce ncico Muuya Uuusalala nco wali kucita. Mwabona? Ula unka alimwi Ula lingula. Ako nke kaambo tamu konzyi kuba a zintu ezi a... Yebo wati, “Nda kaamba mu myaambo, alimwi Nda koongolola, alimwi Nda kazyana mu Muuya.” Eco ta cijisi cintu cakucita a Ncico. Mwabona? I Muuya Uusalala ila lingula muntu oyo kusikila Wa kkutila cakumaninina a kuziba kuti bali boobo.

⁶⁹ Mpawo, bala namatikwa kusika nkobaya Kutamani. Kwiina cintu cikonzya kosola kunamatula Cinamatizyo eco. I Bbaibbele... Mula lemba Lugwalo lwanu. Baefeso 4:30, lyakati, “Muta penzyi Muuya Uusalala wa Leza, kuli nguwo mwa kanamatikwa kusikila ku Buzuba bwa Lununuko lwanu.” Amujate ibbala eelyo, “lununuko,” mwabona. Kusikila buzuba obo Bbuku lya Lununuko noliyo yubununwa, nkabela Munununi waboola kutaminina zikono Zyakwe! Kwiina cikonzya kucicita. Mwabona? “Muta Upe nzyi.” Amukkale... Amucite zintu zibotezya Leza, nkambo Bbuku lili namatikidwe, lino, alimwi mwa kanamatikwa. I Muuya Uusalala, Lwalo, ngo Cinamatizyo.

⁷⁰ *Cinamatizyo* citondezya... Lino, aya mabala Nge kajana kuzwa ku dikishinari. *Cinamatizyo* citondezya “mulimo wakamana.” Elyo cindi Cinamatizyo Caciloba caakunamatulwa, maseseke aa Leza ayo aka namatikidwe mu Zinamatizyo ezi zyamaseseke zya manizigwa. Kusikila buzuba eco Cinamatizyo caku namatulwa, elyo mpawo cayubununwa eco cili mukati ka Ncico.

⁷¹ Ikuti na kuli muntu ubuzya eco cili mu mootokala oyo uvumbilidwe, kaamba kuti, “Kweelede kuba cili *boobu-a-boobu*. Kweelede kuba.” Walo uyeyela buyo. Pele cindi cinamatizyo

canamatulwa, alimwi mulyango wajulwa, tula bona muli nguwo mpawo a kubona eco cini cili omuya.

Nywebo mwa cibona? Elyo eco ciyo citwa biyo ku mamanino aa ciindi.

⁷² Cintu cimbi Cinamatizyo nco citondezya, “ciimo camukamwini.” Mwabona, Cinamatizyo cijisi impa ali Ncico, kutondezya ciimo camukamwini. Cindi waulwa ku Bulowa bwa Jesu Kristo, a kunamatikwa ku Muuya Uusalala, to cizulilwi ku inyika na cili coonse ca inyika. Yebo uzulilwa kuli Leza.

⁷³ Cintu cimbi, ncakuti, Cinamatizyo calo “mbukwabilizi.” Cinamatizyo caamba kuti uli kwabilidwe. Lino, nywebo nomu tasyomi mu bukwabilizi Butamani, Ta ndizi, mwabona. Pele lino, pele, Cinamatizyo citondezya bukwabilizi bwa nkociya. Maawe ku mulombwana oyo inga wasola kunamatula Cinamatizyo eco! Elyo Cinamatizyo ca Muuya Uusalala ta cikonzyi kunamatulwa.

⁷⁴ Nywebo nyoonse mwa kandi mvwa kwaamba kuti bantu baamba kuteeti, “I dyabulosi waka ndicitya *ceeci*.” Peepe, peepe, dyabulosi taka cicita. To kalina namatikwa mukati. Nkaambo, cindi wa namatikwa mukati, walo wanamatululwa kuya anze. Inzya. Mwabona? Lino, wa kaunka anze kuli nguwe. Uh huh. Ta kakonzya kunjila muli nduwe, nkaambo nzila biyo ya kunjila muli nduwe nkuboola kwiinda mu bubambe mbubonya obo mbo jisi. Na ka futulwa, kusalazigwa, a kuzuzigwa Muuya Uusalala, mpawo nakaba munyoko. Aboobo, nywebo mwabona, aboobo ta—ta kacicita. Peepe, peepe. Wa kaunka buyo ku munyinza a kupiluka, kusukamina zintu zya inyika. To kaunka lweendo lonse kuyo njila mu Kenani, yebo wabona, akuzabuka Jodano, lufu kuli lwalo. Wabona?

⁷⁵ Lino amubone, lino, eli Bbuku lili namatikidwe. Elyo—elyo uli namatikidwe, a Bbuku, kusikila ku Buzuba bwa Lununuko.

⁷⁶ Alimwi, mu Baroma 8:22 a 23. Atwi ijane eyo, alimwi tula pa ntalisyo eyi, mpawo Ndi yeeya kuti tula Li mvwisya kabotu aniini ikuti na aumwi muntu wa Ibala mwini. Ndi mupa Magwalo masyoonto awa, kutegwa tu konzye—tu konzye Kwa alanga, a kuciindi oora nolicili kumatalikilo. Lino, 8, Baroma 8:22, ku talika.

*Nkambo tu lizi kuti bulenge boonse bula tongela a
kupengana mu macise antoomwe kusikila lino.*

*Elyo kutali bwalo bulikke, pele lwesu andiswe, abo
ba jisi kabalwebalwe ka Muuya, andiswe tula tongela
mukati kesu, kulindila bwana, ku kumvwisya, lununuko
lwa mubili wesu.*

⁷⁷ Oh, ma! Oh, ma! Sa eco tacibambi ndiswe to bantu bacembeede kulimvwa kabotu? Ceelede kubamba toonse kuli mvwa kabotu, kulindila oora eli. Tula mvwisya eci ciyo citika ku bubuke butaanzi. Mwabona? Bulenge bula tongela. Tula tongela.

Zintuzyonse zila tongela, nkaambo tula mvwisya kuti kuli cintucimwi citali kabotu. Elyo nzila biyo njo konzya kutongela, a kuci lindila, nkaambo kwakali Buumi bupya bwa kanjila *omu*, obo bukanana Inyika mpya.

⁷⁸ Mbuli mukaintu okuno, kutali kaindi loko, twa kaunka okuno ku musika mupati. Elyo Nda kati, "Twa jana cintu ceenzu; mulindu uusamide diresi." Elyo cakali ceenzu kapati, mwabona. Balo, balo ba...Bunji bwabo boonse taba sami madilesi, nywebo mwabona. Elyo, munzila imwi, bala cilubya; bala unka kumasena kakutakwe ngawo. Aboobo mpawo tu... Bala lilubya acaaali.

⁷⁹ Elyo aboobo, mpawo, Meda wakati kuli ndime, waa kati, "Bill, nkaambonzi cili boobo?" wa kaamba.

⁸⁰ "Oh," Nda kati, "walo muuya buyo wa cisi." Elyo Nda kati, "Cindi wa unka ku Germany, bali jisi muuya umwi. Wa unka ku Finland, bali jisi muuya wacisi. Wa boola kwa America, tuli jisi muuya wacisi."

⁸¹ Muuya wesu ngwa kukkomana, kudana. Mulizi kaambo na? Twa kajanwa aa Njiisylo ya baapostolo. Twa kajanwa aa busolozi bwa bantu balemu, mbuli Washington, Lincoln. Pele twa kaleya ku ntalisyo eyo, alimwi tu lizi kuti kula boola kutulimba. Tu lizi kuti bbomba lya atomiki lijisi zina lyesu lilembedwe ali ndilyo. Tu lizi kuti buzike bulede kumbele lyesu. Ta kuyandikani akuli cenga omwini.

⁸² Cila ndiyeezya, mbuli bamwi aba basikudana, kuya buselemuka a—a kwaamba kudana oku, a kuya bulilemeku bumwi, a banakazi kuya bulilemeku nzila njo bacita, a baalumi, antoomwe. Cila ndiyeezya ncobeni mulombe miniini wakali kuya bwiinda mu namaumbwe, kayabusiba, kasola kulibamba kusyoma kuti taka yoowede. Masimpe, wa kali yoowede. Mwabona? Ta kali ku cenga muntu. Ako nke kaambo ncakali buyabusiba. Mwabona? Walo wakali kusola kwaamba kuti ta yoowede, pele mbwabede. Alimwi elyo nde penzi, sunu.

⁸³ Pele, oh, mbulangizi bulekedewe ku musyomi, oyo utambika maanza, nkambo lununuko lwesu luya buswena. Cindi abona zintu ezi kazili bonya, nciindi cipati ku musyomi.

⁸⁴ Lino, zintu ezi, kuti, kutongela mu mibili yesu. Sena wakasola kubona isamu, obo mboli pengaanina buumi? Li yanda kupona. Alimwi mula bona munyama, obo mu—mu lufu, mbwa pengaan. Mula bona muntunsi, zintuzyonse, bulenge bula tongela. Swebo, muli lwesu, tula tongela. Mwabona? Tu lizi kuti kuli cintucimwi cilubide. Tula bona, kuzwa ku tumpango otu, kuti cintucimwi caka sweepka, kobilu ku muntu a nyika. Bulenge bwa misyobo yoonse, waka sweepelwa cintucimwi, nkambo tula bona kuzwa ku Ijwi eli linanikidwe kuti nku tongelela kwa kaambo kamwi. Yebo, yebo to tongeli citakuti kuli kaambo ka nkuko.

Mbuli Mbwe kaamba zya inkii, nku kaambo.

⁸⁵ Ako nke kaambo mu kupailila balwazi; kusikila wakonzya kujana ikaambo! Ndi lizi cisilisyo, pele Nde elede kujana ikaambo. Ako nke kaambo zilengano zila yandikana loko a zipati; ziyubununa kaziye ka moyo, zyaambilila muntu awo mpa kalubizya, a ca kucita. Mwabona? Takukwe makani obo mbo nywa musamu, na obo mbotila mafuta aa mitwe yabo, na obo umwi mbwa mvwika koongolola ali nduwe; ikuti na kuli cintucimwi cilubide, uno kkede mpoonya awo. Nda kati "walo," ngu Saatani.

⁸⁶ Mwabona, sunu, mbuli mbo tusumpukide, mu misamu, ta tuna ziba kujatikizya zintu ezi. Yebo wati, "Ujisi kkulenge." Ee, eco tacili cintu. Eelyo, ayo—ayo mazina buyo mbwabede. Ayo mazina alo mazina a zyakusilika, kkulenge. Eco ta cijisi cili coonse cakucita a mbo libede. Eelyo nde zina ndyo tu liita. Tu liita buyo zina, kkulenge. Pele, mukasimpe, mbo libede, kuli pasaula, ngu dyabulosi.

⁸⁷ Lino, twaamba kuti "cibi." Tu ciita buyo kuti cibi. Ci pasaule. Niinzi cibi? Bunji bwa bantu baamba kuti, "Kunywa, kucita mamambi." Peepe, peepe. Obo mbube bwa cibi. Mwabona? Eco nce cicitya cibi, mwabona. Pele cibi cini nkutasyoma. Awo mpo cibede—awo mpo cuuzikwa a kwiitwa. Ikuti na uli musyomi, to citi zintu ezyo. Pele takukwe makani mbo sola kuli panga uusalala, a boobo mbo sola kuba mukombi; ikuti na ula cita zintu ezyo, nduwe sikutasyoma. Ayo nga Malembe.

⁸⁸ Lino, cintucimwi cili sweekede, alimwi cila tongela. Ci sola kupiluka, kupiluka ku ciimo bwaco butaanzi.

⁸⁹ Sa inga mwayeyela muntu umwi kawa kuzwa aa nyika, kuselemukila mu mulindi mulamfu kubusena bumwi, alimwi kapengaana, kutanta, akukwela? Kweelede kuba, kwiinda kunzila imwi, kuzwa mu mulindi oyu. Tali mucimo cakwe citaanzi. Elyo, cakubbilingana mukuyoowa, bala kwiila. Bala kwakwalika aa malambo, kupanga coongo, na kucita nzila imwi. Bali—bali mukutongela nkaambo bayanda kujokela kuciimo cabu citaanzi.

⁹⁰ Ako nke kaambo muntu, oyo wakaumwa bulwazi, kusata a macise. Ciindi cimwi teeba kali booboo, pele bali mukutongela. Nkaambonzi? Ta bali kabotu. Kuli cintucimwi cilubide. Elyo bala tongela, a kusola kupilukila oko nkoba kabede cindi neba kajisi nseba mbotu.

⁹¹ Elyo cindi bulenge a bantu, mbuli Bbaibbele mbo lya kaamba kuti, "bala tongela," ci tondezya kuti kuli cintucimwi, tazili mu ciimo cazyo ceelede. Zya kazwa kuzwa ku busena bumwi. Lino, ta tuyandikani umwi kutu pandulwida ceeco. Mwabona? Nkambo, mubwini, tu lizi kuti bwakali Buumi Butamani, zya kazwa kuzwa kuli mbubo. Elyo zya ka sweekelwa kutaminina

kwazyo aa Buumi Butamani, kwiinda ku kuwa kwa Adamu a Eva, abo bakawa kuzwa ku Buumi Butamani, kuya ku lufu, mu muunda wa Edeni, a kuleta bulengwe boonse, kunsi lyabo, ku lufu.

⁹² Isamu tii lyakali kufwa, Adamu katanaba. Ii munyama takali kukonzya kufwa, Adamu katanaba. Elyo kuli cintu comwe biyo eco cita konzyi kufwa, nkabela oyo ngu Leza, nkaambo Walo Mbutamani. Alimwi eyo nje nzila biyo njo tukonzya kutantamuka kufwa lyoonse, tweede kuba a Buumi Butamani muli ndiswe, kuti tube bana balombe abasimbi iba Leza.

⁹³ Pele cindi ni twa kafwa, mbuli Mbwe amba mu Mulumbe wa cifumo cino, ku cibi, twa kasambala upati bwesu bwakuzyalwa a kuzabuka mugelo. Lino ta tukwe busike kuli Leza, ku lubazu olu lwa mugelo. Lino, mubwini, cindi Adamu na kawa, ku lufu, wa kaleta lufu aa bulenge boonse.

⁹⁴ Lino, wa kapegwa kulisalila cakucita. Ca kapegwa kuli mbabo mbubonya mbuli ndiswe, kutegwa kusalwe. Lino, Adamu a Eva, ku matalikilo, kwakali isamu lya ciluleme a cilubide kumbele lyabo, alimwi eelyo isamu ndilyonya lili bikkidwe kumbele lya umwi aumwi a—a woonse wesu. Mwabona, Leza taka citila Adamu na Eva... Yebo wati, “Ee, ako nkampenda kaboo.” Peepe, kutali lino takuli booboo. Nkampenda kako. To konzyi ku kabikka ali Adamu lino. We elede kukabikka ali nduwe, nkaambo ciluleme a cilubide cili bikkidwe kumbele lyako. Tuli a mbaakani yomwe mbuli Adamu a Eva.

⁹⁵ Pele, nywebo mwabona, cindi twa nununwa, tatu ciyandi limbi kusala kwesu kwini, pele kusala Kwakwe. Mwabona? Mwabona?

⁹⁶ Lino, Adamu a Eva ba kali kuyanda kusala kwabo beni. Ba kali kuyanda, ba kali kuyanda kuziba obo mbo cakabede kuba a busongo, aboobo baka vwentauzya muli ncico, nkabela cakaleta lufu.

⁹⁷ Lino, cindi muntu anununwa, ta cibikkili maanu limbi ku lwiiyo lwaatala. Ta cibikkili maanu limbi ku zintu zya inyika, busongo bwa inyika. Ta yandi kusala kwakwe pe. Kristo wakaba kusala kwakwe, nkabela nku koonse kwa ncico. Uli nunwidwe. Ta ciyandi limbi kuli sololela mwini. Ta yandi muntu ku mwaambila kwa kuunka a cintu cakucita. Walo ulindila buyo a kuziba kusala kwa Mubumbi wakwe. Mwabona? Mpawo ula unka mu Zina lya Mubumbi wakwe, cindi Mubumbi amwaambila kuunka. Mwabona?

⁹⁸ Pele muntu uyandaula busongo, uyanda kuziba, “Ee, obu busena bwa cikombelo mbubotu loko; pele bala ndivozya kunji kutala okuya, aboobo Njo unka kokuya.” Mwabona? Mwabona, busongo.

⁹⁹ Lino, cindi Adamu naka bisya, kwiinda ku kuswiilila kwa kubuzyabuza kwa mukaintu wakwe mucibaka ca kujatilila ku Ijwi lya Leza, eco nci cakacitya Adamu ku bisya. Mukaintu wakwe waka buzyanya a Saatani, elyo mpawo wakazyalila Adamu cintu, elyo Adamu wakalekezya Ijwi a kwaabwa.

¹⁰⁰ Wa kasweekelwa, akwalo, lukono lwakwe, cindi na ka sweekelwa luswaanano a nguzu ku Buumi. Amuyeeye, "I buzuba mbo muyolya kuli nguwo, buzuba obo moyo fwa." Elyo cindi na kasweekelwa Buumi bwakwe, akwalo waka sweekelwa lukono lwakwe mu buumi, nkaambo wa kali jisi bweendelezi bupati bumaninide ku nyika. Wa kali kaleza ka nyika. Leza ngu Leza wakoonse, masena oonse. Pele mwana Wakwe waka jisi nyika eyi kunsi lya bweendelezi bwakwe. Wa kali kukonzya kwaambaula, wa kali kukonzya kuuzika, wa kali kukonzya kwaamba, wa kali kukonzya kwiimika bulengwe, wa kali kukonzya kucita kufumbwa nca kali kuyanda. Mwabona? Pele, cindi na kacita ceeco, wa kasweekelwa lukono lwakwe.

¹⁰¹ Lino, Adamu wakali kukonzya kwaamba kuti, "Akube kuti eli dundu, awa, lizyulwe kuya awo," elyo nilya kacicita. Adamu wakali kukonzya kwaamba kuti, "Akube kuti isamu eli, awa, lizyuke a kusyangilwa awa," nilya kacicita. Mwabona? Nkambo wakali jisi bweendelezi, bupati bumaninide, mbuli kaleza kaniini kunsi lya Leza Taata wesu, nkaambo wa kali mwana wa Leza.

¹⁰² Lino sa inga tii twaima awa aniini buyo a kuba nkambauko ini! Mwabona? Oh! Mpawo, ikuti na Bulowa bwaka cisalazya kaindi, ino kujatikizya lino? Mwabona? Amulange oyo Mwana wa Leza, Adamu wabili, ncakacita. Mwabona? Elyo wakati, "I milimo Nje cita, moyo icita anywebo." Mwabona?

¹⁰³ Adamu waka sweekelwa lukono lwakwe, nyika. Lino, yaka longa kuzwa ku janza lyakwe kuza kuli umwi nkwa kalyaaba, Saatani. Wa kaaba lusyomo lwakwe muli Leza, ku kubuzyabuza kwa Saatani. Nkikaako, Buumi bwakwe Butamani, nguzu zyakwe ku Isamu lya Buumi, nguzu zyakwe ku nyika, zyakali zyakwe, elyo waka lekezya kabbeela koonse ku maanza aa Saatani. Wa ka cilonzya kuzwa ku janza lyakwe kuya kuli Saatani. Nkikaako, lino, cakali obo, ca kabweeda a ku kuso fwaazigwa. Elyo lunyungu lwa Adamu lwa kanyonyoona lukono olo Adamu ndwa keelede kuba andulo, eyo ni nyika. Mbo mbubo, mwabona, lunyungu lwa Adamu.

¹⁰⁴ Nda kaima, buzuba bumwi, kumusanza wa Tucson oko Nkwe kkala. Elyo Nda kali kwaambaula ku muntu umwi, atala lya mulundu, katulangide ansi. Nda kati, "Ino uyeeya nzi! Eco, myaka yakainda ili myaanda yotatwe, Papago munaindia mukulukulu wa musyobo umwi waka seluka kwiinda omuya mu cileyi cakwe, a mukazi wakwe a bana kaba kkede kusule, keenzya okuya kubusena a kupona calumuno. Kwakanyina

mamambe, taakwe whisky, taakwe kuuma njuka, taakwe cintu akati kabo. Bakali kupona kaba salala. Elyo umpe waka selemuka i—i kusamba, busiku abumwi, kwinda mu Tucson okuno, kavuluma. Elyo zisamu zya meskkweti a ziyasabavwimi zyaka sonsa, aa nkomwe yoonse. Elyo Jehova waka zilanga nkabela kweelede kuti waka mwetamweta. Pele mukuwa waka boola nzila eyo, nkabela ncinzi ncaka cita? Wa kazyula ziyasabamwimi. Wa kasofwaazya cisi, a tugabba twa makoko a mabbotela aa whisky. Wa kanyonganya kulilemeka kabotu kwa cisi. I nzila buyo nja kali kukonzya kutanda muna India yakali yakujaya zilyo zyakwe, munyati.”

¹⁰⁵ Cindi Ne kali kubala ku Bbwe lyacuumbwe, buzuba bumwi, mu i—i miziamu, a kubona zifwanikiso zya Geronimo. Elyo bunji bwanu inga mwa yeeya kuti Geronimo wakali muzangi. Kuli ndime, wa kali muna America wini. Wa kali kulwanina buyo eco caka luleleme, eco Leza nca kamupede: cilao, a cisi, a busena bwa kukkala. Nse mutongauki pe. Elyo cindi abo basilumamba bakuwa niba kanjila omuya alimwi, ku kusungilizya, ba keendelezya nyika, a kuba jaya mbuli cikama ca nzinini. Elyo mpaawo kwakali cifwanikiso citaanzi ca masena aakweendelezya akusilika aa Geronimo, na cibbadela cakwe. Zyakali ngubo zyobilo na zyotatwe aa kabeela ka cisamu ca meskkweti. Elyo balo baka licisa, bana, America, bama India, ncobeni kaba Iwanina inguzu zyabo zya kapegwa aa Leza. Elyo awo, Geronimo a muvwanda wakwe wini, aa tusolo, kaimvwi alya kalangide basimpi bakwe beni, kabazwa bulowa, kabafwa, kakutakwe peninsilini na cintu, taakwe nzila ya kuba gwasya; bana America, beni, bakapegwa aa Leza! Mpawo mu mwiita kuti muzangi? Ndi mwiita kuti mulombwana mulemu.

¹⁰⁶ Cochise nata kalipa pe. Wa kali mudaala. Pele Impi ina America, boonse bakasamide omuya, nkabela bakaunka okuya a kujaya banyati. Ba kacita nyendo zifwaafwi zya misaalo kubusena, nkabela Sharpe wakaanza raifo ya munyati, nkabela bakaunka kubusena okuya a kwaamba kuti, “Oh, Nda jisi buzuba bubotu sunu,” kudubula, kuzwa ku lubazu lwa ii—lwa mootokala uuvumbilidwe, na mootokala uubweza bantu. Kwaamba, “Nda jaya bali makumi one sunu.” Banyati bali makumi one, abo bakali nobamba mukowa oonse wabama India, myaka yobile na iinda. Ncinzi ncoba kacita a mbabo? Kuba lekela kulala mu lukula. Mitunta yabo yakale yakazimba aanyika, a kusunsa aanyika, baumpe bakali kulya.

¹⁰⁷ Cindi muna India naka jaya munyati, kwakali pobwe lya bukombi. Wa kabweza nsumba zyakwe, kazibamba ku kupanzya midishi. Nyama yakwe bakali kulya, akwalo nyama ya mukati. Ba kabweza nyama yakwe yoonse a kwii lengelezya a kwii yumika. Cikutu cakwe caka yanikwa, elyo baka panga zyakusama a matente. Kwa kanyina cintu . . .

¹⁰⁸ Pele, cindi mukuwa naka njila, mukuwa muzangi. Walo mumpelenge. Elyo waka njila a kumanizya kujaya banyati abo, a kujazya bama India abo nzala.

¹⁰⁹ Kufumbwa mutu wini uyo lwanina inguzu zyakwe zyakapegwa aa Leza. Ni mbata aa ndembela yabana America, eco ncoba kacitila bama India bana America. Nekubaboo, yakali yabo.

¹¹⁰ Ncinzi nco munga mwayeeya ikuti Japa-...Japan, na-na imwi, Russia na yanjila, a kwaamba, "Amu zwe awa! Amusosoloke awa," a—a kutu cita a bana besu nzila njo twa kacita abo bama India? Pele, amuyeeye, twa kamiza, elyo lino tuyo tebula. Oyo mulao wa Leza, nywebo mulizi. Kuli ciindi cakubyala, elyo mpawo ciindi ca kutebula. Ndi yeeya kuti ncibyaabi kapati. Iiyi, munene.

¹¹¹ Lino ncinzi cacinika? I lunyungu lwa Adamu lwa sofwaazya a kunyonyoona nyika kumaninina. Sena mulizi kuti Bbaibblee lyaamba booboo? Elyo nkaambo kakuti wa cita cecci, lunyungu lwa Adamu lwa kasofwaala, Leza uyo lunyonyoona. Mula yanda kubala eco? Atu bone. Ndi cilembede awa. Amujule ku Ciybunuzyo, cipati ca 11, nkabela tuyo jana. Omuya mu Ciybunuzyo, cipati ca 11, elyo tuyo bona eco Leza nca kaamba kujatikizya mbabo abo banyonyoona nyika. I cipati ca 11, elyo atu bweze kampango ka 18, Nda syoma mbo kabede, 11:18. Mpaawa mpo tubede.

Elyo masi aka nyema, alimwi bukali bwako bwasika (lino amulangilile bukali bwa Leza), *elyo ciindi ca bafu, kuteeti ba betekwe, alimwi kuti weelede kupa bulumbu ku balanda bako basinsimi, a ku basalali, a kuli baabo bayoowa zina lyako, balo baniini a bapati; alimwi weelede ku banyonyoona—banyonyoona abo balo banyonyoona nyika.*

¹¹² Ino bayo cita nzi? Kutebula eco ncoba kasyanga. Masimpe. Cindi mwabona cibi kacicitika mu tugwagwa! Ali ongaye, masiku Munsono omuno, ali ongaye mamambe acitwa mu dolopo eli sunumasiku? Bali bongaye banakazi bayo jaya zikonke zya lukwatano lwabo, mu kalindi aka kaniini munyika okuno, kategwa Jeffersonville? Tuli tongaye twaambo twa kugusya mada to muyeeya tulembedwe mu Chicago, mu mazuba ali makumi otatwe? Aakati ka zyuulu zili makumi obilo a zyosanwe a makumi ali otatwe mu mwezi, kunze ya tumwi tutaledwe. Ali ongaye mawisiki anyugwa mu dolopo lya Chicago? Muyeeya nzi eco cicitika mu Los Angeles mu busiku bomwe? Nziindi zyongaye Zina lya Mwami nilya bwezwa mubuyo, mu dolopo lya Jeffersonville sunu? Sa kuli kabotu lino, na kwakali kabotu cindi George Rogers Clark naka selukila aa kaato ka cikwa? Nywebo mwabona, twa sofwaazya ncobeni nyika a

busofwi bwesu, nkabela Leza uyo nyonyoona abo banyonyoona inyika. Leza wakaamba obo.

¹¹³ Nda kayeeya lyoonse kuti kwakali cintucimwi mukati lyangu, mbuli kutanta mu malundu a kulanga nzila Leza mbwa kaipanga.

¹¹⁴ Nda sulaika, Florida, oko nkoba jisi masamu a palmu akulipangila. Elyo, oh, ma, inga Nda sala kubona ntale kaziputya micila yazzo, kulaale mu nkanda, kwiinda kubona ezyo zyoonse zyakulipangila a zintu nzoba cita mu Hollywood, a bweebesi boonse obo buliko, cikama ca bakolwi. Elyo, oh, ma, Nda yeeya buyo, “Buzubabumwi! Buzubabumwi!” Inzya.

¹¹⁵ Pele, amuuyeeeye, Bbaibbele lyaka twaambila, muli Matayo cipati 5, kuteeti, “I babombe bayo kona nyika.” Mbo mbubo. “I babombe bayo kona nyika.” Jesu wakati, “Balacoolwe abo babombe,” balibombya abo batasoli kuba cintucimwi cipati loko, “bayo kona nyika.” Jesu wa kaamba boobo. Iiyi. Lino ba kaisofwaazya, nkabela Leza uyo banyonyoona; pele babombe bayo kona nyika, yaku mana kusalaziga.

¹¹⁶ Lino, oh, ma! Lino, taito diidi ya kanyanzigwa lino ili mu maanza aa Mukamwini mutaanzi, Leza Singuzuzyonse. I taito diidi ku nyika, a ku Buumi Butamani, cindi Adamu naka isweekelwa; mpawo maanza atombe aa Saatani taka konzya kuli bweza, aboobo lya kapilukila kuli Mukamwini mutaanzi, Leza Lwakwe. Tula cijana, aniini buyo. Ngooyu Uli kkede aa Cuuno cabwami, a ndilyo mu janza Lyakwe, taito diidi. [Mukwesu Branham wakamba maanza akwe antoomwe ziindi zyobilo—Mu.] Oh, eco cindibamba kulimvwa cabukombi. I taito diidi ku Buumi Butamani, taito diidi yakatobezagwa yaku Buumi Butamani, cindi Adamu naka isweekelwa nkambo ka busongo, mibusena bwa lusyomo, lyaka pilukila ku maanza aa Mukamwini, Leza Singuzuzyonse. Ino ncintu!

¹¹⁷ Yaa, kulindila. Ino licita nzi? Mu maanza aa Leza, kulindila kutaminina kwa lununuko. Wa kabamba nzila ya lununuko, Wa kabamba nzila kaindi, alimwi buzubabumwi Munununi uyo elela kuli josya. Nywebo mwabona awo mpo tuli mukusika lino? Tuyo langilila oyu Mulombwana uukkede aa Cuuno cabwami. Yaa, kulindila kutaminina kwa lununuko, lununuko lwawo.

¹¹⁸ Ino eli Bbuku lya Lununuko niinzi, eyi taito diidi, taito diidi yakatobezagwa? “Nywebo mwati ‘yakatobezagwa?’” Ino yakatobezagwa niinzi? Yaamba kuti yakalingaulwa lweendo loonse kujokela kumatalikilo ayo. Mbuli elyo niini—mbuli elyo dosi niini lya inkii cifumo cino, cindi nilya kauma musamu uusalazya, lya kajokela lweendo loonse. Elyo cindi cibi caambwa a kuwida mu Bulowa bwa Jesu Kristo, oh, ma, bupa ini, kutobezagwa, kugama nkoonya ku Mulengi alubo. Yebo uba mwana wa Leza. Taito diidi yakatobezagwa ili jiswi mu maanza aa Singuzuzyonse. Oh, ma!

¹¹⁹ Lununuko lwalyo lwaamba kukona koonse kwamulawo kuli zyoonse zya kasweeka kwiinda kuli Adamu a Eva. Oh, ma! [Mukwesu Branham wakamba maanza akwe antoomwe lomwe.] Ino eco ceelede ku citaanzi ku Munakristo wakazyalululwa! Kwalo nkukona kwamulawo kuli eyo diidi yakatobezegwa, taito diidi ya Buumi Butamani, caamba kuti uvubide zintuzyonse ezyo Adamu a Eva nzoba kasweekelwa. Fyuu! Ino calo, mukwesu? I cikono ca diidi eyo!

¹²⁰ Adamu taka konzya kukkwanya zyelelo zya lununuko. Nakamana kujana kuti wa kaliisweesy, wa kabisya alimwi wa kalyandaanya mwini kuzwa kuli Leza, wakali ku lubazu *olu* lwa mugelo, aboobo ta kakonzya kuli nununa. Ta kakonzya buya kucicita, nkaambo wa—wa kayandikana lununuko, mwini, aboobo ta kakonzya kucicita.

¹²¹ Pele mulao wakali kuyanda Sikamukowa Munununi. I mulao wa Leza wakali kuyanda Sikamukowa Munununi. Mu yanda kweengela ceeco, “Sikamukowa Munununi,” cijanwa mu Balevitiko 25.

¹²² Ta tu kooba a cindi cakulingula ceeći kumaninina, nkaambo, nywebo mulizi, cibalo acimwi—acimwi inga capanga ii—ii busiku. Mwabona?

¹²³ Pele mulao wa Leza waka tambula ciiminizyo. Lino, ino kuti Leza nata kasala kubweza ciiminizyo? Pele luyandisyö lwaka Mu sungilizya kucicita. Kuti, muntu taaka jisi nzila yakupola kujokela, alimwi kwiina nzila kuli nguwe yaku jokela. Wa kali nyonyookede. Pele luzyalo lwa Leza lwaka swaana oyu Sikamukowa Munununi mu ciimo ca Muntu Jesu Kristo. Mulao wa ka ciyanda. Luzyalo lwaka kkwanya zyelelo zyaco. Oh, luzyalo lugambya, obo mbo lumvwika kabotu! Mulao wa Leza waka yanda ciiminizyo citakwe kampenda.

¹²⁴ Elyo nguni waatakwe kampenda? Muntu oonse wakazyalwa ku nkewela, kukuyanda kulaiana, muntu aumwi. Elyo umwi biyo oyo wata kacita, waka sweekelwa inguzu ku Buumi Butamani a kuba mwaami aa nyika.

¹²⁵ Oh, cindi Nda yeeya olo Lugwalo, “Nkambo Wa tunununa kujokela kuli Leza, alimwi kuti tulele a kuba bami a bapaizi aa nyika.” Oh, ma! Inzi? I Sikamukowa Munununi! Oh, ino nkaano nko tunga twaba ako awa!

¹²⁶ Amubone, mulao waka yanda Sikamukowa Munununi kuti anunune cintu caka sweeka. Luzyalo lwa kakkwanya ceelelo eci mu ciimo ca Muntu Jesu Kristo. Ii Sikamukowa weelede kuzyalwa ku mukowa wabantu.

¹²⁷ Lino, mbobuti mbo tukonzya kuba, kakuli muntu oonse oyo wakazyalwa weelede... Elyo uli onse wata kakonzya kubona kuti wakali mucito wankwela okuya, ee, walo

moofu cakumaninina, mwabona, nkaambo muntu aumwi oyo wakazyalwa walo wakazyalwa ku mwanakazi.

¹²⁸ Elyo Leza waka yanda Sikamukowa Munununi, elyo We elede kuba muntunsi. Oh, ma! Ncinzi neo muyo cita lino? Mulao waka yanda Sikamukowa Munununi.

¹²⁹ Lino, Ta kakonzya kusala Angelo. Wa kayandika kujana muntu, nkaambo tatuli basimukowa kuli Angelo. Tuli basimukowa kuli umwi aumbi. I Angelo ta kawa pe. Walo musyobo wandeene wa cilenge, ujisi mubili wandeene. Ta kabisyta pe na cintu. Walo ulandeene.

Pele mulao waka yanda Sikamukowa Munununi.

¹³⁰ Elyo muntu aumwi aa nyika wakazyalwa kunkwela. Lino, sa tamu boni, mpaawo mpo cakazwida. Mpe mpawo cibi mpo caka talikila. Aboobo mwabona awo mpo cibede lino? Ndoolo lwa boola, lunyungu lwanu lwa nzoka, mukati. Mwabona?

¹³¹ Lino, amubone, kayanda Sikamukowa Munununi. Elyo Munununi, Sikamukowa Munununi, weeletee kuzyalwa ku mukowa wabantu. Awa, eco citusiya a mutabi. Pele andi lizye Mweembo kuli ndinywe. I kuzyalwa kwa nakalindu kwakazyala i—i cipange. Ameni. I kuzyalwa kwa nakalindu kwakazyala Sikamukowa wesu Munununi. Takukwe umbi cita Leza Singuzuzyonse wakaba Emanueli, umwi wesu. Emanueli! I “Sikamukowa Munununi” wakkwanya. Nywebo mwabona obo Leza mbwa bamba ceelelo, alimwi kwiina neo tukonzya kucita. Pele mpawo luzyalo lwa kanjila a kuvunikila mulao oyo, a kuleta cipange. Ameni! [Mukwesu Branham wakamba maanza akwe antoomwe lomwe—Mul.]

¹³² Oh, cindi mwasika ku Muunzi! Cindi Nda jana kaanda kangu kanini ansi awo; ako Mukwesu Neville nka imba. Cindi nyoonse mwamvwa cintucimwi kunselelo okuya, cifumo cimwi, kwiimba, “Luzyalo lugambya, obo mbo lumvwika kabotu, lwaka futula mupenzi mbuli ndime!” Nywebo mwati, “Alumbwe Leza! Mudaala Mukwesu Branham waka eikonzya. Ngooyo mbwa bede, mwabona.” Iiyi. Oh!

Nduzyalo lwa kayiisya moyo wangu kuyoowa,
Lwa kali luzyalo kwaangulula buyoofu
bwangu;
Obo mbocili ciyandisi luzyalo nilwa kalibonya
I oora Ne kasyoma lutaanzi!

¹³³ Amulindile mane tu sike kuli ncico, aniini buyo! Oh, ma! Lino amulange. I Bbuku...

¹³⁴ I Bbuku ly a Rute lipa ciimo cibotu ca ceeci, obo Boazi... Alimwi Naomi waka sweekeledwe zikono. Nywebo, nywebo mulizi. Mwa kandi mvwa kukambauka ali ncico, embo na? Amu tambike maanza anu ikuti na mwaka ndimvwa ku cikambauka. Aboobo, mula mvwisya, mwabona. Boazi wakacita

kuba munununi. Alimwi wakali umwi alikke wakali kukonzya. Wa kacita kuba sikamukowa, sikamukowa wamunsi. Elyo, mu kunununa Naomi, wa kajana Rute. Oyo wakali Jesu, Boazi katondezya Kristo. Elyo cindi Na kanununa Israyeli, Wa kajana Nabwiinga wa Bamasi. Aboobo mpawo, nywebo mwabona, cila botelezya loko kapati! Tuli ujisi aa teepu, Ndili masimpe, okuno kubusena bumwi, na inga wayanda kuba anguwo.

¹³⁵ Lino amubone, lino, We elede kuba Sikamukowa. Aboobo, nywebo mwabona, Angelo taka konzya kucicita. Ii muntu taka konzya kucicita; weelete kuba muntu, pele ta konzyi wakazyalwa ku mwanakazi, mucito wankwela. Aboobo, kuzyalwa kwa nakalindu, Muuya Uusalala waka vunikila Mariya. Nkikaako, Jesu takali mu Juda. Jesu takali Munamasi. Jesu wakali Leza. Obo mbombubo. Bulowa Bwakwe tii bwakazwida ku mucito wankwela uli oonse. Wa kali kusalala, Bulowa bwakalengwa aa Leza. Elyo tatu futulwi kwiinda ku bulowa wa Cijuda, naanka cuti tutfululwa ku bulowa bwa Munamasi. "Tula futulwa kwiinda ku Bulowa bwa Leza." Eco cileendelana a Bbaibbele. Lyaamba boobo. "Tula futulwa kwiinda ku . . ."

¹³⁶ Aboobo, nywebo mwabona, Jesu wakali Leza. Ta kali Muntu watatu, Muntu wane, Muntu wabili. Wa kali Muntu. Wa kali Leza, mwabona. Wa kali Leza, Emanueli. Leza wakaseluka kuzwa ku Bulemu Bwakwe, wakali yubununa Mwini. Nda kayanda kaano ako, ka Booth Clibborn, eco ciimbo, cilemu cibotu.

Kuseluka kuzwa ku Bulemu Bwakwe, kaano
kapona lyonse,
Leza wangu a Mufutuli wakasika, nkabela Jesu
lyakali Zina Lyakwe.
Wakazyalwa mu cilido, wakali mweenzu
Bakwe beni,
Ii Muntu wa buusu, misozi a kufwaba. Oh!

Ino nkulileta aansi, kutuleta ku lununuko;
Cindi ca busiku bwini, kakutakwe bulangizi
bomwe buniini mu kubonekela;
Leza, muyandisi, sibuuya, wakabikka ambali
bubotu Bwakwe bupati loko,
Kuboola ansi kuzogwasya a kuvuna buntu
bwangu.

O obo Mbwe Mu yanda! Obo Mbwe Mu
yandisyia!
Kuyoya kwangu, mumuni wangu wazuba, ngu
zyoonse zyangu!
I Munununi mupati wakaba Mufutuli wangu,

I Mulenge mupati wakaba Mufutuli wangu,
 Elyo boonse buzule bwa Leza bukkala muli
 Nguwe.

¹³⁷ Ngo Nguwe waka kkwanya ceelelo. Luzyalo lwakaleta ciimo ca Muntu Jesu Kristo. Elyo tu jana kuti, eli Bbuku lino... Leza waka vungulula tente Lyakwe, kasika kuzwa kuli Leza, kuba Muntu. Wa kacinca buboneki Bwakwe, kuzwa kuli Singuzuzyonse, ku kuba Muntu; ku kubweza ciwa ca muntu, kutegwa Ka konzya kufwa, ku kunununa muntu. Amulindile mane tu Mu bone, cindi nokutakwe "umwi weelela." Mwabona? Yaa.

¹³⁸ Mu Bbaibbele, mu Bbuku lya Rute, mbuli mbo mulibala, muyo bona, mbuli muntu wakali kutegwa "goel," g-o-e-l. Wakali kutegwa goel, na, wa kali muntu oyo wakakonzya kukkwanya zyeelelo. Elyo goel weelete kukonzya kucicita, weelete kuyanda kucicita, alimwi weelete kuba sikamukowa, uli munsi kuli sikamukowa, ku kucicita.

¹³⁹ Elyo Leza, Mulengi, wa Muuya, wa kaba simukowa kuli ndiswe cindi Na kaba muntu, kutegwa Ka konzya kukulika cibi cesu ali Nguwe, a kubbadela muulo, a ku tunununa kujoka kuli Leza alimwi. Nceeco we. Ngooyo Munununi.

¹⁴⁰ Kristo wa tunununa lino. Twa nununwa lino. Pele Tana taminina cikono Cakwe pe. Lino, inga mwaimpana kuli ceeco, pele amu jatilile buyo aniini, mwabona. Tula bona. Mwabona? Tana citaminina. Mwabona? Ikuti na Wa kabweza Bbuku lya Lununuko, zintuzyonse ezyo Adamu nzya kajisi a zintuzyonse ezyo nzya kasweekelwa, Kristo ulazinununa kujoka. Elyo Wa ka tunununa kale. Pele Tana bweza cikono; Ta konzyi kucita kusikila ku ciindi cisalidwe. Elyo mpawo kuyo boola bubuke, elyo mpawo nyika iyo bukulusigwa alubo. Elyo mpawo Uyo bweza cikono, cikono Cakwe eco Nca kajana cindi Na ka tunununa, pele uyo cicita ku ciindi cisalidwe. Oh, ma!

¹⁴¹ Eci cila pandululwa muli eli Bbuku lya Zinamatizyo zili Ciloba eco neco twaambaula lino. Yaa. I Bbuku lya Lununuko, lila pandululwa lyoonse omu. Zyoonse ezyo Kristo nzyayo cita ku mamanino ziyo yubununwa kuli ndiswe mvwiki ino, mu Zinamatizyo zili Ciloba, ikuti na Leza uyo tulekela. Mwabona? Yaa. Ciyo yunubunwa. Elyo kuyubununwa, mbuli Zinamatizyo mbo zinamatulwa nkabela zila lekelwa kuli ndiswe, mpawo inga twa bona obu bubambe upati bwa lununuko mbo lubede, alimwi cindi a nzila mbo ciyo citwa. Lili sisidwe lyoonse mu Bbuku eli lya maseseke awa. Lili namatikidwe, atala a Zinamatizyo zili Ciloba, alimwi aboobo Kabelele Ngu Umwi biyo uukonzya kuzinamatula.

¹⁴² Lino... [Mukwesu Branham wanyonganisigwa a cintucimwi—Mul.] Mundi jatile. Tula mvwisya...

¹⁴³ Lino, ikuti na muyanda kulanga mu Magwalo, inga mwasika omuya muli Jeremiya a kubona okuya. Cindi na kali—cindi na—na kali kunjila mu buzike bwa cisi, nywebo mulizi, wa—wa kaula siminzyaakwe... Mwana wa siminzyaakwe waka jisi lubono lumwi—lumwi, elyo wa kainda omo, kunamatikwa. Elyo ikuti na twa kabweza coonse... Tuli jisi eco acalo mu *Makkalo Aa Mbungano Ali Ciloba*, zyalo zinamatizyo a zimwi zimbi, omuya.

¹⁴⁴ Nywebo mwabona, cinamatizyo, mu Cizuminano Cakale, cakali mbuli civwunge, mbuli *ceeci*. [Mukwesu Branham lino wabelesya mapepa ku kupandulula kumvunga, kunamatika, a kujulwa kwa ibbuku livungwa—Mul.] Elyo *awa* kwakali maseseke, alimwi aya maseseke akali sisidwe. Yaa, ca kali namatikidwe koonse a kubikkwa awa, kutaminina kucita *boobu-a-boobu*. Mpawo, maseseke atobela akavungaidwe koonse oko lukono olu mbo lwakabede, a kubbatikwa awa aa lubazu *olu*, i—i kutaminina kucita *boobu-a-boobu*. Elyo kuselemuka kusikila caka panga ibbuku livungwa, nkaambo bantu tii baka jisi mabbuku mbuli *eli* kaindi. Ca kali cimvunge, (mbangaye bazi booboo?) citegwa ibbuku livungwa. Ee, ibbuku livungwa kalimatikidwe, ula konzya kubbanuna comwe *awa*, obo maseseke aceeci mbwa kabede, a ku cibabbula, alimwi inga wabona oko kutaminina mbo kwakabede. Elyo mpawo kubbanuna cimbi, alimwi inga wabona oko kutaminina mbo kwakabede.

¹⁴⁵ Elyo cintu coonse Awa ngu Zinamatizyo zili Ciloba, zijisi maseseke aa Leza kuzwa kumalengelo aa inyika zyonse zya kanamatikwa Omuya, a kuyubununwa kwinda ku Zinamatizyo zyandeene zili ciloba, kuti, na Leza wayanda, aku Mu lekela kutuzumizya kusomona Zinamatizyo ezyo a kulanga kwinda mu Bbuku a kuziba koonse obo Mbo libede. Mwabona? Oh, Nda syoma tu jisi ciindi cipati! Ngaayo maseseke aa lununuko kaanamatikidwe kusikila... Eli Bbuku tali konzyi ku namatulwa kusikila kwaba Mulumbe wa angelo wamamanino.

¹⁴⁶ I ibbuku livungwa nkolili. Tu lizi kuti Lya kaliko. Tu lizi kuti Lya kali ilya lununuko. Tula syoma kuti Lya kali ilya lununuko. Jeremiyia wakati, “Eli ibbuku livungwa lyeelede kubambwa...” Mboli mbo muli bala awa, uyo amba. We elede kubambwa mu cibikkilo cabulongo. Mwabona? Oh, ino ncintu cibotu awo Nce konzya kwaambaula, aniiini. Eli ibbuku livungwa lyakali kubambwa ku cibikkilo cabulongo, cibikkilo eco cakaba cipywa lomwe (bulemu!), kafwa, kabuka alubo, a kubambwa mu cibikkilo cabulongo kusikila ku ciindi ca kuulwa. Oh, ma! Cakweebeka! Ncibotu.

¹⁴⁷ Lino, eyi Milumbe yoonse ilabambwa kusikila, eci cibikilo cabulongo, kusikila ciindi ca ciindi cakasalwa kwa Leza, ku mutumwa wamamanino aa nyika. Elyo zyonse ezyo bantu aba nzoba kabeteka, a kwaamba, “Ndi lizi Nko cili. Nda syoma Nko cili.” Elyo baka Ci Iwanina, a ku Ci leta a kuleta zintu.

Ku lusyomo baka Ci syoma. Pele lino Ciyo letwa kuli ndiswe mu ciyubunuzyo, a kuzwa ku janza lya Leza kwinda ku kusimpikizya. Leza wa kaamba booboo. Wa ka cisyomezya.

¹⁴⁸ Lino, lino atu bone. Mpaali, mpaali mpo twa bede? Atu unke ku kampango ka 2 lino. Eco nciindi cilamfu ca kampango 1, pele atu—atu—atu bweze kampango 2. Lino, antela ta tuko kkala awo kwa ciindi cilamfu ali kamwi katobela.

Elyo Nda kabona angelo wanguzu kaambilizya a jwi pati, Nguni weeleta kujula...bbuku, a kunamatula zinamatizyo zya ndilyo?

¹⁴⁹ Lino, amuyeeye. Atu bale kampango 1 alubo, kutegwa tu cimvwe antoomwe.

...Nda kabona mu janza lyakwe lya lulyo oyo waka kkede aa cuuno cabwami...

¹⁵⁰ Leza! Nguni oyo? I Mwini ncobeni mutaanzi wa Bbuku lya Buumi. Uli Li jisi. Leza ulacita. Elyo Adamu wakasweekelwa, Lyka kajokela kuli Mukamwini Walyo mutaanzi. Ndi Lyakwe.

Elyo Johane (mu cilengaano) waka langalanga a kubona ku janza lyakwe lya lulyo oyo waka kkede aa cuuno cabwami ii—ii bbuku lilembedwe mukati a kusule, kali namatikidwe a zinamizyo zili ciloba.

¹⁵¹ Mwabona, mukati! Lino, cindi twa talika kunamatula Zinamatizyo ezyi, muyo bona, Cila jokela kulaale mu Lugwalo, kujokela lweendo loonse, kuli cimwi acimwi ca Zinamatizyo ezyo. I cintu coonse, antoomwe, maseseke oonse, alede moonya omu mu Zinamatizyo ezi. Mwabona? Oonse maseseke aa mu Bbaibbele alede mu Zinamatizyo ezi. [Mukwesu Branham wakonkomona aa cikambaukilo ziindi zyosanwe—Mu.] Elyo Zinamatizyo tazikonzyi kunamatulwa kusikila ku ciindi eco. Nda citondezya awa, aniini buyo.

¹⁵² Amubone. Lino, Bbuku, amuyeeye, lili namatikidwe. Nceeci cimwi, nceeci Cimwi, *eci* cinamatizyo. Mpawo Cimwi cimbi cili vungaidwe, Cinamatizyo. Cimwi Cimbi cili vungaidwe, Cinamatizyo. Ndi Bbuku lya Lununuko. Alimwi cintu coonse, antoomwe, cibamba Bbuku, alimwi Li namatikidwe a Zinamatizyo zili Ciloba. Elyo, mpawo, zili kusule, nkaambo lili zambaidwe koonse. I maseseke a Cinamatizyo ali mukati. Elyo Ca amba buyo kuti, “I sikutanta mbizi iituba,” na, “I sikutanta mbizi iisiya,” a bamwi bambi, ambali yaanze. Pele maseseke a Bbuku lyoonse ali mu Zinamatizyo, kuzwa ku Matalikilo kusika ku Ciybunuzyo. I bubambe mbobuzulwa bwa lununuko bula yubununwa mu Zinamatizyo ezi zili Ciloba. Oh, nciindi cipati. Leza kotu gwasya kuti tu Ci mvwe! Mwabona?

¹⁵³ Lino, “Elyo angelo wanguzu . . .” Lino kampango ka 2.

... i *angelo wanguzu*, a jwi pati, kaambilizya, *Nguni weelela*... (Weeela kucita nzi?) *Nguni weelela* ku bweza elyo bbuku, ...

¹⁵⁴ Lino tula ziba. Mpaali Bbuku mpo libede lino? Kuli Mukamwini Walyo mutaanzi, nkaambo Lya kasweesegwa kwiinda ku mwana, mwana mutanzi wa Leza, mu mukowa wabantu. Elyo cindi naka sweekelwa inguzu zyakwe, ku kuswiilila Saatani, wa kaaba... Ncinzi nca kacita? Wa kazumina busongo bwa Saatani mucibaka ca Ijwi lya Leza. Lino, sa inga tii twaima awa aniini! Bana ba Leza bayo bweza muzeego wa seminari kujatikizya Ndilyo, mucibaka ca Ijwi lya Leza. Mwabona, cintu nciconya Adamu nca kacita, waka sweekelwa inguzu zyakwe. Elyo ciindi naka cicita, lya ka jokela cigaminina nkoonya. Tamu konzyi kubona na abusena ayo makkalo mpa bede? Mwabona? Akajokela cigaminina nkoonya ku Mwini mutaanzi.

¹⁵⁵ Elyo Johane, mu Muuya, kaimvvi awa ku Julu. Wa kazwaa kusumpulwa buyo lino, kuzwa ku makkalo aa mbungano, mwabona, wakabona makkalo aa mbungano. Elyo mpawo wa katola kujulu, mu cipati ca 4. Wa kati, "Koboola atala eni. Njo kutondezya zintu ezyo ziciza."

¹⁵⁶ Elyo wa kabona Umwi kakkedee aa Cuuno cabwami, a Bbuku eli mu janza Lyakwe, mu janza Lyakwe lya lulyo. Amu ciyeeye, lino. Elyo, mpawo, mu Bbuku eli mwakali taito diidi ku lununuko, alimwi Lya kali namatikidwe a Zinamatizyo zili Ciloba.

¹⁵⁷ Elyo mpawo Angelo waka yutuka, Angelo wanguzu, kaambilizya a jwi pati, "Nguni wakali kweelela kujula Bbuku; ku bweza Bbuku? Nguni wakali kukonzya kujula Zinamatizyo? Nguni wakali kukonzya kujula Bbuku eli?" Mwabona, Angelo waka cibuzya. Johane waka cibona. Elyo Wa kati, "Lino, nguni weelela? Amu Mu lekele..." Oh, ma! Ndiza Ndi limvwa buyo obu, nzila eyo. "Pele amu Mu lekele," wakaamba Angelo, "amu Mu lekele..." *Ndeeli* Bbuku lya Lununuko! *Mboobu* bubambe bwa lununuko! *Njeeyi* nzila ilikke njo moyo sola kunununwa, nkambo *njeeyi* taito diidi ku lununuko lwa majulu a nyika yoонse! "Am Mu lekele aboole kumbele, ikuti na Ula konzya." Oh, ma! "Lino kanana, nape Au mune kwalyoonse. Amu Mu lekele aboole kumbele a kutaminina Bbuku eli. Nguni weelela kucicita?"

¹⁵⁸ Elyo Johane wakati:

Kwa kanyina *muntu ku julu* wakajanwa kweelela; taakwe muntu aa *nyika* wakajanwa kweelela; taakwe muntu kensi *lya nyika*, oyo wakapona lyoonse a kufwa, wakajanwa kweelela. Taakwe muntu wakajanwa kweelela.

¹⁵⁹ I lwiito lwa Angelo lwakali lwa kwiita Sikamukowa Munununi kuti alibonye. Leza wakati, “Ndi jisi mulao; Sikamukowa Munununi inga—inga waba ciiminizyo. Uli kuli oyo Sikamukowa Munununi? Nguni uukonzya ku Li bweza?”

¹⁶⁰ Elyo lya kazwa kuli Adamu, lweendo loonse muciindi ca boonse baapostolo, a basinsimi, a zintuzyonse zimbi, nkabela kwiina umwi wakajanwa. Lino, ino kujatikizya ceeco? “Kwiina umwi ku Julu, kwiina umwi aa nyika, kwiina umwi wakasola kupona.” Eliya waka liimvwi okuya. Musa waka liimvwi okuya. Boonse baapoostolo baka liimvwi okuya, na—na boonse bamwi bakafwide; boonse bantu basalala, Jobu, basongo. Aumwi waka liimvwi okuya, elyo kwiina umwi wakali kweelela akwalo kulanga aa Bbuku, kumu lekela alikke ku Li bweza a kunamatula Zinamatizyo.

¹⁶¹ Lino ulaali poopu a boonse aba mpoba njilila? Ulaali bishopo wanu? Kulaali kweelela kwesu? Ta tuli cintu. Mbo mbubo.

¹⁶² Wa kalomba Sikamukowa Munununi kuboola kumbele, ikuti na Wa kali kukonzya. Pele Johane wakati, “Taakwe muntu wakali kweelela.”

¹⁶³ Kutali kuti tii kwaali bantu bakali kweelela okuya, lino, mbuli Angelo; mbuli, kupa mukozyanyo, inga twati, Gabriyeli, na Mikayeli. Pele, amuyeyeye, wa keelede kuba Sikamukowa. Amuyeyeye, Johane wakati awa, “Elyo taakwe m-u-n-t-u,” kutali Angelo, kutali Serafimu. Tiiba bakabisya, pele Ba kali mu ciga caandeene. Takukwe niba kawide.

¹⁶⁴ Pele oyu wakeelede kuba Sikamukwa Munununi. “Kwiina muntu,” nkaambo kwakanyina umwi wabo waka nununwa. “Kwiina muntu wakali kweelela ku Li langa.” Oh, peepe! Ma, ma! Aboobo, cakatola Sikamukowa muntunsi. Elyo wa ka cilomba, nkabela Ta ka janwa, ali oonse. Kwakanyina umwi. Taakwe bishopo, taakwe archibishopo, taakwe mupaizi, taakwe kabunga kazyuuno, taakwe cintu akwalo cakali... tii caka jisi busalali akwalo bukubwene abwalo bwa kulanga Bbuku. Fyuu! Ma, ma! Eco nciyumu kapati, pele eco ncencico Bbaibbele ncolya kaamba. Ndi balulula buyo eco Johane nca kaamba.

I Bbaibbele lyaamba kuti Johane “wakalila.”

¹⁶⁵ Kutali bantu bamwi mbo baka ciyiisya. Nda kali kumvwa muntu kayiisya eci ciindi cimwi, wakati, “Johane wakalila nkambo wakali jana kuti taakali kweelela.” Oh! Kufumbwa muntu uli kensi lya Muuya Uusalala inga waziba bwandeene kuzwa kuli ceeco, mwabona; kensi lya bunanike bwa Leza, inga waziba bwandeene kuzwa kuli ceeco.

¹⁶⁶ Pele, Johane “wakalila.” Nceeci Nce yeeyela kuti wakalila. Nkaambo, ikuti taakwe umwi wakali kweelela a kukonzya kujula eli Bbuku lya Lununuko, bulenge boonse bwakasweeka.

¹⁶⁷ *Ndeeli Bbuku, njeeyi* taito diidi, alimwi Liyo pegwa kuli Sikamukowa Munununi oyo ukonzya kukkwanya zyeelelo. Oyo mulao wa Leza Mwini, nkabela Ta konzyi kususya mulao Wakwe, konzyi kususya mulao Wakwe, mubwini. Mwabona? Leza wakayanda Sikamukowa Munununi Oyo wakali kweelela, Oyo wakali kukonzya kucicita, Oyo waka jisi cintu caku cicitya.

¹⁶⁸ Elyo Angelo wakati, “Lino mulekele oyo Sikamukowa Munununi asike kunembo.”

¹⁶⁹ Elyo Johane wakalanga. Elyo walo wakalanga koonse ku nyika. Wa kalanga kensi aa nyika. Elyo kwakanyina umwi. Okuya, bulenge a zintuzyonse zyaka sweeka. Mu bwini, Johane wakalila. Zintuzyonse zyaka sweeka.

¹⁷⁰ Kulila kwakwe tii kwakatola kaindi cita kaniini buyo, kumana. Nkabela mpaawo kwakaimvvi umwi wa baalu, wakati, “Uta lili, Johane.” Oh, ma! Kulila kwakwe tii kwakatola kaindi cita kaniini buyo.

¹⁷¹ Johane wakayeyea, “Oh, ma, uli kuli Muntu? Mpaawo kwiimvvi basinsimi; baka zyalwa mbuli Ndime mbwe kacita. Mpaawo kwiimvvi basongo. Mpaawo kwiimvvi... Oh, sa kwiina umwi ano?”

¹⁷² “Ndi yanda Muntu oyo uukonzya kucicita. Ndi yanda Muntu oyo uukonzya kunununa.”

¹⁷³ Elyo ta kajanwa, aboobo Johane wakoomoka. Oh, zintuzyonse zyaka sweeka; elyo wa kalila cakuusa. Elyo wa—wa kali uuside, nkaambo zintuzyonse, bulenge boonse, zintuzyonse zyakali nyonyookede, ikuti na tii baka konzya kujana muntu. Bulemu kuli Leza! Ikuti na tii baka konzya kujana muntuumwi oyo wakali kukonzya kukkwanya zyeelelo ezyo, kwakali... muntunsi oonse, a nyika yoonse a bulenge, zya kanyonyooka. Oh, zintuzyonse zya kali wide. I—i—i inguzu zya lununuko, inguzu zya—zya Buumi Butamani, Mumuni, inguzu ezi zyoonse zyakali sweekede, nkabela kwakanyina oyo wakali kukonzya kubbadela muulo. Elyo Johane watalika kulila, nkambo taakwe umwi wakali kweelela, alimwi taakwe umwi akwalo wakakonzya kulanga Bbuku. Oh, cakatola muntunsi. Johane wakalila, nkaambo taakwe umwi wakali kukonzya kucicita, a zintuzyonse zyakali sweekede.

¹⁷⁴ Elyo mpaawo kwakasika jwi kuzwa kuli umwi wa baalu, kaimvvi akati ka Banyama bone a nkamu yoonse mpati yaku Julu, lyakati, “Uta lili, Johane.” Oh, ma!

¹⁷⁵ [Mukwesu Branham wakamba maanza akwe antoomwe ziindi zyobilo—Mul.] Luzyalo lwa Leza!

¹⁷⁶ “Uta tyoki moyo, Johane. Uta lili. Nkambo Mulavu wa mukowa wa Juda, Muyanda a Cisyuukila cizwa kuli Davida, Wa zunda.”

¹⁷⁷ *Kuzunda* caamba “kusinana, a kukoma.” Oh, ma! I muunda wa Gesemani, cindi Bulowa nibwa kalokela ansi kuzwa ku busyu Bwakwe, Wa kali kukoma. Mwabona? Fyuu! Mwabona?

¹⁷⁸ “I Mulavu, a Muyanda wa Davida, wa zunda, wa koma.”

¹⁷⁹ Mbuli Jakobo, mukuba mumpelenge. Elyo cindi na kaswaangana a Angelo, wa kajatilila. Elyo Angelo wakasola kukwela kuzwa. Wa kati, “Ndi—Nse ko kulekela buya kuti Yebo uunke.” Wa kajatilila kusikila wa kajana eco ncakali kuyanda. Elyo zina lyakwe lya kacincwa, kuzwa ku *mumpelenge*, elyo lyaamba kuti “mucengi.” Ku nzi? Ku kuba “sibwami a Leza,” *Israyeli*. Wa ka zunda.

¹⁸⁰ Alimwi oyu Mulavu wa mukowa wa Juda wakazunda. Wa kati, “Uta lili, Johane. Nkambo Mulavu wa mukowa wa Juda, Muyanda wa Davida, wa zunda. Wa koma kale. Wa cicita. Kwa mana, Johane.” Fyuu! Oh, oh, ma! Wa kapanga musamu uusalazyza oyo uutuma cibi antomwe kujokela ku maanza ajisi mafuta loko ayo i... a busongo bwakwe, bwa kacisofwaazya, i muntunsi. Iiyi.

¹⁸¹ Pele cindi Johane nakanyona kulanga, wa kabona Kabelele. Ino ulandeene ku Mulavu! Wa kati, “I Mulavu wazunda.” Mwabona, alubo, Nda konzya kubelesya ceeco awo, Leza kalisia mu buubauba. Wa kati, “Ngooyo Mulavu.” Oyo mwaami wa banyama. “I Mulavu wazunda.” I cintu ciyumu maningi ciliko mulavu.

¹⁸² Nda kakala mu massaka amu Africa, a kumvwa i—i ndyabuluba kazi cwema. Alimwi—alimwi muzovu, mupati singuzu, a musinga wakwe mu luwo, “Ccwee, ccwee, cwee.” Alimwi kumvwa i—i—i zivunwa mu lukula ku kwiilila malowa manji azyo, zikandu kazilila. Elyo i—i zyuuka zya zipapa, mane... Elyo Billy Paul a Ndime katu lede mu kasena kakaindi kavumbidwe masanzo koonse. Elyo kumvwa, kulaale aa munsinzo, mulavu kuvulum, nkabela zintuzyonse mu lukula zyaumuna. Neziba zyuuka kuleka kukwiila. I mwaami wakanana. Oh, oh, oh, ma!

¹⁸³ Nda mwaambila, nce ciindi tubungwe a kuzumbauzya nezi wida aansi. Zintuzyonse zila umuna cindi Mwaami akanana. Alimwi *Oyu* ngo Mwaami, eelyo ndi Ijwi Lyakwe. Oh!

¹⁸⁴ Wa kati, “Johane, uta pengi. Uta lili. Uta omoki, Johane. Ndili jisi awa ca ndinywe mu cilengaano; Ndi mutondezya cintucimwi. Elyo Ndi lizi kuti mwakatala kapati, nkaambo, nywebo mulizi, kunyina ceelede kunununwa, zintuzyonse zya nyonyooka; kunyina umwi uukonzya kukkwanya ceelelo. Pele Mulavu wa mukowa wa Juda...”

¹⁸⁵ Nywebo mulizi, wa Juda... Twa kali cijisi, alimwi aa bbulakiboodi awa, nywebo mulizi. I mukowa wa Juda, cizibyo, wakali mulavu.

¹⁸⁶ Amuyeeye, mulavu, alimwi i—alimwi musune, alimwi i... alimwi azimwi zimbi, mutwe wa muntu, azimwi zimbi. Elyo balo kabalingilila, abo Baserafimu, eelyeo Ijwi; kuciindi boonse, Marko, Matayo, Luka, a Johane, boonse bakaima kuzyunguluka Bbuku lyा Incito.

¹⁸⁷ Elyo Nda kamvwa muntu kaamba, mukutausi mulemu, kati, “I Bbuku lyा Incito matantilo buyo.”

¹⁸⁸ Wa kali Musaansa mutaanzi oyo wakasola kusonswa ku Mbungano iisalala. Uh huh! Iiyi, munene. Elyo na Ya sola kusonsa umwi umbi, uyooba musyobo oyo, awalo. Iiyi, munene! Mu jisi misaansa yaka somekwa, alimwi izyala malemooni. Aelede kuba mafuleenke. Pele... Mwabona? Cindi oyo Musaansa—oyo Musaansa wasola kusonsa mutabi Wawo alubo, Uyo ba mbubonya mbuli mutaanzi.

¹⁸⁹ Elyo Matayo, Marko, Luka, a Johane, aya Makanimabotu aliimvwi ka kwabilila Ceeco. I busongo bwa muntu; nguzu zya mulavu; mulimo wa musune; a kufwamba kwa siluwe... na sikwaze, mubwini. Iiyi, Makanimabotu aliimvwi awo! Inzi? Mula yeeya ciindi nitwa ka cijisi na? [Mbunga yaamba, “Ameni.”—Mul.] Cili mu *Makkalo Aa Mbungano Ali Ciloba*.

Lino wa kati, “I Mulavu wa mukowa wa Juda.”

¹⁹⁰ Nkaambonzi kuzwa kuli Juda? “O Juda, sikupa milao ta kaunki kumbele lyaco, aakati ka mazwi akwe, kusikila Shilo aboole. Pele Uyo boola kwiinda muli Juda.”

¹⁹¹ “Elyo Mulavu, citondezyo ca mukowa wa Juda, wa zunda. Wa koma.”

¹⁹² Elyo ciindi na kalanga koonse kubona oko Mulavu nkwa kabede, wa kabona Kabelele. Ceenu, kulangila Mulavu a kubona Kabelele. I mwaalu waka Mwiita kuti Mulavu. Pele cindi Johane nakalanga, wa kabona Kabelele, “Ii Kabelele mbuli kuti Wa kajaigwa kuzwa ku malengelo aa inyika.” Ii Kabelele wa kajaigwa. Ino cakali cinzi? Ino oyo Kabelele wakali nzi? Wa kazwide bulowa, wakayaswa. “Ii Kabelele oyo wa kajaigwa, pele wakali kupona alubo.” Elyo Wa kazwide malowa. Oh, ma!

Mbobuti mbo konzya kulanga Oyo, nobantu, alimwi kocili sizibi?

¹⁹³ Ii Kabelele wakayutuka. I mwaalu wakati, “Ii Mulavu wakoma, Mulavu wa mukowa wa Juda.” Elyo Johane wakalanga ku bona Mulavu, elyo mpaawo kwakasika Kabelele, kazungaana, Bulowa ali Nguwo, aziyaso. Wa kali zundide. Inga waamba kuti Wa kali mu nkondo. Wa ka jaigwa, pele Wa kali kupona alubo.

¹⁹⁴ Johane takalina ziba Kabelele oyu, nywebo mulizi, awa. Ta kali naambwa pe. Taakwe aabusena Mpa kaambwa. Johane taka Mu bona, koonse ku Majulu, mbuli mbwa kali kulanga. Pele mpaawa Wa kayutuka.

¹⁹⁵ Amubone oko Nkwa kayutukila. Nkokuli Nkwa kazwida? Wa kazwida mu Cuuno cabwami ca Taata, oko Nkwa kakkede kuzwa ciindi Na kajaigwa a kubusigwa alubo. "Wa kabuka a kukkala aa janza lya lulyo lya Leza, lyoonse kapona ku kubamba nkcombelezyo." Ameni. Kabusigwa awo, sunu, mbuli Sikukombelezezya, a Bulowa Bwakwe Mwini, ku kubamba nkcombelezyo aa kutaziba kwa bantu. Lino, ngo Nguwe Ngwe yaamina. Wa kacili vumbidwe aa musamu uusalazyza, i musamu uusalazyza wa kulekelela cibi.

¹⁹⁶ Johane wakalanga Kabelele oyo, alimwi Kabelele wali kuboneka mbuli kuti Wa kajaigwa. Elyo mpawo wa kabona kuti Wa kali yasidwe, a kutendwa, a kucuzaulwa, a kuzwa malowa. Ii Kabelele uuzwide malowa, oyo ngo wakabweza busena bwesu. Sa tacili ceenzu, Kabelele uutakweankwaya waka bweza busena bwesu? Elyo wa kabona Kabelele. Wa kazwa.

¹⁹⁷ Johane takalina Mu bwene, nkaambo Wa kali kulaale mu Butamani, akwalo kabamba nkcombelezyo; a kutondezya kuti abo baka sika kuli Leza, kunsi lya cipaizyo ca bulowa bwa bacende, bwa mpongo, cipaizyo caciiminiyzo, Walo akwalo... Nkaambo, balo baka cisyoma, bakatondeka kuli Nguwe. Elyo Bulowa tiibwa kalina tilwa pe, aboobo Wa kali waalya ku kubasalazyza. Wa kali waalya ku kusalazyza nduwe a Ndime.

¹⁹⁸ Elyo, O Leza, Nda syoma kuti Mpali sunumasiku. Kuli sizibi oonse, Kabelele wa kajaigwa. Mbobuti Jehova mbwa konzya kubona cili coonse cita oyo Kabelele uuzwide malowa kaimvwi awo!

¹⁹⁹ Elyo Kabelele wa kazwa kunjila mu cilengaano lino, mbuli Mbwa ka jaigwa. Amubone, wakazwa ku Cuuno cabwami ca Taata. Oh, amuyeeye! Walo, nko kuli Nkwa kapolela, ku cilengaano cakwe? Wa kazwa ku Bulemu, oko Nkwa kakkede ku janza lya lulyo lwa Leza. Wa kapola, kuya kuli Johane, kuzwa ku Bulemu.

²⁰⁰ Oh, sa inga tii caba cintu cabulemu ikuti na miyeeyo yesu mibi, sunumasiku, kukonzya kubikkwa ambali kwa ciindi cilamfu ku Mu zmina, alimwi inga Wa kapola lweendo loonse kuzwa ku Bulemu, sunumasiku, ku kuliyubununa Lwakwe kuli oonse wanu!

²⁰¹ I Kabelele kapola kuzwa ku Bulemu, ku nkcombelezyo, yaa, kucita kutaminina lino ku lununuko Lwakwe! Amuyeeye, Wa kali aa mulimo Wakwe wakwiimaakati kaindi *awa*. Pele, amuyeeye, ezyi Zinamatizyo zili bambidwe ku julwa, alimwi Kabelele wazwa ku busena busalala bwa Leza, wapola kunembo.

²⁰² Amulindile mane tusike okuya, elyo oora lyomwe, kutola eco "cisela ca oora" kuti Ca kali uumwine. I busena busalala busuka busi. Takucikwe kukombelezezya limbi. I Cituuzyo cazwa. Calo Ncuuno ca Lubeta. Takukwe limbi Bulowa ali

ncico, nkambo Kabelele uuvumbidwe Bulowa wazwa. Muta lindili mane ku ciindi eco. Mula yeeya mu Cizuminano Cakale? Kufumbwa kuti bulowa bwakali zwide aa cuuno ca luse, Iwa kali lubeta; pele kufumbwa kuti bulowa bwa kaliko, kwakali luse. [Mukwesu Branham wakonkomona aa cikambaukilo ziindi zyosanwe—Mul.] Pele cindi Kabelele na kazwa, eco caka cicita!

²⁰³ Ino Wa kabona nzi? Wa kali Sikukombelezzya. Taakwe muntu umbi! Amu ndaambile oko Mariya nkwa kakonzya kubamba nkcombeleyo kaindi. Ncinzi Mariya nca kali kukonzya kupa? Ncinzi Musalali Francisi ncakali kukonzya, Musalali Assisi, na umwi, a Musalali Cecilia, mubwini, na muntunsi umbi umwi? Johane taka bona basalali bali zyuulu bakazwa mu ncito ya kwiimaakati. “Wa kabona Kabelele, Kabelele oyo wa kajaigwa, kazwide malowa.” Ta ndikwe makani basalali baka jaigwa; ba kaleelede kuli nkuko, umwi aumwi wabo. Mboli mubbi mbwa kaamba aa ciingano, “Twa kabisya, alimwi tu leelede kuli ceecei. Pele oyu Muntu taakwe nea kacita.” Wa kali Muntu alikke wakali kweelela.

²⁰⁴ Ngooyu Wa boola, kuzwa ku bbokesi lya nkcombeleyo. Ino Uboolela nzi lino? Amu Mu langilile! Oh, oh, oh, ma! [Mukwesu Branham wakamba maanza akwe antomwe ziindi zyotatwe—Mul.]

²⁰⁵ Johane wakali kulila. Mpali coonse—coonse mpocibede? Ncinzi ciyo citika?

²⁰⁶ Wakati, “Uta lili, Johane,” wakaamba mwaalu. “Ngooyu waboola Mulavu. Wa kali Umwi wakazunda.” Cindi na kalanga, mpaawa kwaboola Kabelele, uuzwide malowa, oyo waka jaigwa.

²⁰⁷ Kufumbwa cintu cijaigwa cizwide malowa. Nywebo mulizi, wa kajaigwa. Insinga yakwe ya gonkwa kuzapuka, na cintucimwi. I bulowa bwakali oonse ali nkako.

²⁰⁸ Mpaawa waboola Kabelele, waka jaigwa. Elyo Wa kayutuka, oh, ma, (inzi?) kubamba kutaminina Kwakwe aa lununuko Lwakwe. Amen. Oh! Oh! Ndi... Sena mulimvwa mboli kuunka buyo ku kkona, aku kkala aa cuuno a kulila aniini? Mpaawa waboola Kabelele, kacizwide malowa. Johane... Kwakanyina cintu okuya; basimpupo boonse baka liimvwi koonse, pele taakwe umwi wabo wakali kukonzya kucicita. Aboobo, mpaawa waboola Kabelele, lino. Mazuba Aakwe a nkcombeleyo amana, mazuba a ncito ya kwiimaakati.

²⁰⁹ Eco nce cindi oyu Angelo nayo ima okuya. Amulindile mane tukasike mu Zinamatizyo. “Elyo ciindi tacikabi limbi.” Mbo mbubo. Eco “cisela ca oora lya kuumuna.” Amulangilile eco cicitika muli ceeco cisela ca oora lya kuumuna, cindi eco Cinamatizyo Caciloba, masiku Munsondo mutobela, Mwami nawayanda.

²¹⁰ Wa yutuka (inzi?) ku bweza kutaminina Kwakwe. Oh, ma! Wayutuka ku bweza kutaminina Kwakwe! Lino, Wa kacita mulimo wa Sikamukowa. Wa kali selukide, kuba Muntu, wakafwa. Wa kacita mulimo wa Sikamukowa iwa lununuko, pele takalina itila kutaminina Kwakwe. Lino Wa boola aa cilao ku kutaminina inguzu Zyakwe, (amulangilile eco cicitika) oh, ma, nkambo oyo Wa kajaigwa, kuba mbuli Sikamukowa ku muntu, kufwa mu busena bwakwe, ku kumunununa. Pele, mwaalu wakali luleme cindi na kaamba cuti Wa kali "Mulavu," mwabona. I mwaalu waka Mwiita, wakati, i "Mulavu." Nkaambo, Wa kali Kabelele, Sikukombelezezya, Kabelele uuzwide malowa, pele lino Uboola kuyutuka mbuli Mulavu. Mazuba Akwe aa nkcombeleyo amana.

²¹¹ "Alekwe oyo usofweede ka cisofweede. Alekwe oyo mululami kacili mululami. Alekwe oyo uusalala ka cisalala." I cintu cajalwa. Oh, mukwesu! Mpawo ninzi? Mpawo ninzi?

²¹² Elyo, amuyeeye, cizwida ku bukkalo bwa mbungano yaciloba, cindi maseseke aa Leza aaku julwa. Lino amulangilile kabotu loko. Eci ncintucimwi nec mweelede kumvwa. Lino, Wa kali kucita ncito Yakwe ya kwiimaakati, kubamba nkcombeleyo zya musyomi. Kwa myaka ili zyuulu zyobilo Wa kali kookuya kaindi, Kabelele. Lino Uli mukuyutuka kuzwa ku Butamani, ku kuyobweza Bbuku ly a taito diidi, a kunamatula Zinamatizyo, aku yubununa maseseke. Calo ncalili? Ku ciindi camamanino.

²¹³ Sa mwa cimvwa? [Mbunga yaamba, "Ameni."—Mul.] Ncibotu, tula zumanana nkokuti.

²¹⁴ Lino, konamatula Zinamatizyo a kupa maseseke oonse kuli mbabo, kuli angelo waciloba, ula Mulumbe weelede kuyubununa maseseke oonse aa Leza. I maseseke aa Leza ali muli ezyo Zinamatizyo zili Ciloba. Mwabona? Nec ncico Nca kaamba awa. Onse maseseke ali muli ezyo Zinamatizyo zili Ciloba.

²¹⁵ Elyo Kabelele ula yutuka lino, kuzwa mukuba Sikwiimaakati ka Leza a muntu. Wa ba Mulavu. Elyo cindi Aba Mulavu, Walo ubweza Bbuku. Ezyo ni nguzu Zyakwe. Leza uli Li jisi, maseseke, pele lino Kabelele wasika.

²¹⁶ Taakwe umwi wakakonzya kubweza Bbuku. Li cili mu maanza a Leza. Kwiina poopu, mupaizi, kufumbwa mbwanga waba, taba konzyi kubweza (peepe) Bbuku. I Zinamatizyo zili Ciloba tazina yubununwa. Mwabona?

²¹⁷ Pele cindi, Sikwiimaakati, cindi mulimo Wakwe wacitwa mbuli Sikukombelezezya, Ula yutuka. Elyo Johane... I mwaalu wakati, "Walo Mulavu." Elyo Ula yutuka. Amu Mu langilile. Oh, ma! Mwabona? Ula yutuka kubweza Bbuku, lino amulangilile, ku yubununa maseseke aa Leza, ayo bamwi ngoba kayeyela, mu makkalo aya oonse aatubungwe.

²¹⁸ Mwabona, mpawo, angelo waciloba. Ikuti na eli Bbuku, maseseke, ndi Ijwi lya Leza, angelo waciloba weelete kuba musinsimi, nkaambo Ijwi lya Leza nko liboola. Kwiina bapaizi, bapoopu, na kufumbwa umbi, uukonzya ku Li bweza; Ijwi tali booli kuli bali booboo. I Ijwi lya Leza liboola biyo ku musinsimi, lyoonse. Malaki 4 wakasyomezya cili booboo. Elyo cindi ayutuka, uyo bweza maseseke aa Leza, oko mbungano nkoya kaanyonganya oonse mu tubungwe otu, “Elyo kuboozya Lusyomo lwa bana kujokela ku matata.” Elyo mpawo lubeta lwa inyika luyo uma, a nyika iyo tentwa. Elyo mpawo balulami bayo enda atala lyatwe lya babi, mu Milleniamu.

²¹⁹ Sena mwa cimvwisyia lino? [Mbunga yaamba, “Ameni.”—Mul.] Yaa.

²²⁰ Bamwi bakayeeyla, mu bukkalo bwatubungwe. Pele, mwabona, we elede kuba muntu oyu, angelo waciloba wa... Ciyubunuzyo 10:1-4 ngu ii... I angelo waciloba ujisi maseseke aa Leza aapedwe kuli nguwe, a kumanizya oonse maseseke ayo aka syaala, muciindi ca makkalo aatubungwe.

²²¹ Lino mula konzya kubona kaambo Nce taumini bakwesu bali mu kabungwe. Calo ncianza ca kabungwe! Ta baciti, taku yandikani kuli mbabo kusola ku Ci ziba, nkaambo tii Ca kakonzya kuyubununwa. Eco cileendelana ku Ijwi. Ba kazumbwida kuli Ndilyo, aku Li syoma kuti lyakaliko, alimwi ku lusyomo bakeenda a Ndilyo, pele lino Lya tondezegwa cantangalala. Ameni. Oh, ma, ino ii—ino Ndugwalo!

²²² Lino amulangilile. Mpawo Nguwe, Kabelele, oyo uubweza busena Bwakwe Bwamwami, cindi basalali Bakwe bakuboola ku Mu samika musyini, “Mwami wa bami, a Mwaami wa baami.” Mwabona?

²²³ Mwabona, “Ciindi ca mana.” Ciyubunuzyo 10:6, “Takucikwe limbi ciindi.”

²²⁴ Amubone, kuli “meja ali ciloba” aali Kabelele oyu. Sa mwaka cibona? “Kajisi meja ali ciloba.” Twa kazwaa kwiinda muli ceeco. *Meja* aamba “nguzu,” ku munyama. Elyo, amubone, Ta kali munyama, nkaambo Wa kabweza Bbuku kuzwa mu janza lya lulyo lya Nguwe waka kkede aa Cuuno cabwami. Mwabona? Amubone. Oh, ma!

²²⁵ Nda syoma Nda kacilemba abusena bumwi; oh, ku namatula Zinamatizyo, a kubbanuna taito, taito diidi, alimwi i—i Mulumbe kuli angelo wamananino. Elyo Ula bweza busena Bwakwe Bwamwami. Nce ncico Nca yutukila kucita lino.

Lino amulangilile, cindi Ali bonya, “I meja ali ciloba.”

²²⁶ Lino, cindi na kabona oyu Kabelele, Johane waka Mu langa, Wa—Wa kaboneka mbuli kuti Wa kajaigwa, kazwide malowa. Elyo Wa kasika kuzwa ku Butamani, alimwi Wa kaleka kuba Sikwiimaakati.

²²⁷ Mpawo kulomba kuli Mariya mbuli mbo muyanda! “Kwakanyina muntu ku Julu, a mu nyika, na kwiina muntu, wata kajanwa ali oonse, kukonzya kuli bweza.” Johane akwalo wakalila kujatikizya ndilyo. Oh, mweenzuma muna Katolika, sa tokonzi kubona ceeco? Uta nopaili ku muntu umwi wakafwa.

²²⁸ I Kabelele ngu Sikwimaakati alikke. Mwabona? Wa kali Umwi waka yutuka. Elyo ncinzi Nca kacita lino? Wa kali kaindi awa kakombelezezya, kusikila Bulowa Bwakwe bwaka lungila muntu oonse. Elyo Kabelele, lino, ulizi eco cilembedwe mu Bbuku. Aboobo, Wa kalizi kuzwa ku malengelo aa inyika kuti mazina abo akali lembedwe Omuya, aboobo Wa kaima kaindi awa a ku...a—a, pele, kacita mulimo wa Sikwiimaakati mbuli boobu kusikila...mulimo wakwiimaakati, mane umwi aumwi waka bikkwa mu Bbuku wa nununwa, nkabela lya mana. Elyo lino We enda kuzwa. Mwabona? Wa kacita mulimo Wakwe wa Sikamukowa. Walo ngu koonse...Nywebo mulizi mulimo wa Sikamukowa mbowa kabede na? Kulungulula kumbele lya baalu. Mula yeeya Boazi kabbompa bbusu lyakwe, azimwi zimbi na? Wa cita ceeci coonse lino.

²²⁹ Lino Wa boola kubweza Nabwiinga Wakwe. Ameni. Wa boola lino mbuli Mwaami. Walo uyandaula Namalelo Wakwe. Ameni. Ameni. Mu Bbuku eli muli kaziye konse aa Ndilyo, kavungaidwe koonse, Zinamatizyo zili Ciloba. Oh, mukwesu! Zinamatizyo zili Ciloba, zilindila Nguwe kuti aboole. Amubone.

²³⁰ Atu jane ziiminizyo ezi. Ee, ngu naini okuloko ncobeni. Tu jisi maoora otatwe na ainda, a kuunka. Tu jisi...Atu buyo... Saatani wazumanana kundaambila kuti bantu bay a bukatala, aboobo Nda yeeyela mbo babede. Pele atu—atu bweze ceeci, nokuba.

²³¹ “Meja ali ciloba” akali mambungano ali ciloba, mwabona, makkalo aa mbungano ali ciloba, nkaambo oko kwakali kukwabilila kwa Kabelele. Eco Nca kakwabilizya inguzu Zyakwe, aa nyika, yakali Nkamu ya bantu ya katumwa a Leza njiya kakwabilila; mwabona, lwija ali Kabelele.

²³² “Meso ali ciloba” balo mbatumwa bali ciloba iba makkalo aa mbungano ali ciloba. “Meso ali ciloba,” balunguluzi bali ciloba.

²³³ Sa muyanda kulemba Lugwalo lumwi? Atu jule buyo kuli ndulo. Ino mwaamba nzi, muli jisi ciindi eco cinji na? [Mbunga yaamba, “Ameni.”—Mul.] Ncibotu. Tu unke kuli Zekariya, Bbuku lya—lya Zekariya, aniini buyo, nkabela tuyo—tuyo bala amwi ali ceeci.

²³⁴ Nse—Nse yandi kumujata kwa ciindi cilamfu aa zintu ezi. Elyo—elyo Nse...Pele, nekubaboobo, Nse yandi kuti mu ciimpye. Ncinzi ciyandisi kwiinda ceeci? [Mbunga yaamba, “Ameni.”—Mul.] Inzya. Ncinzi ciinda...[Muntu umwi mu mbunga waamba, “Mukwesu Branham?”] Inzi? [“To eeleki ceeco.”] Kwiina cintu cipati kwiinda Buumi Butamani ku muntu.

Elyo twe elede—twe elede kujana ceece lino, a—a kuba masimpe kuti twa cimvwa. Yaa. Yaa, munene.

²³⁵ Elyo lino tu yanda kubala Zekariya cipati 3. Ndi yeeya kuti cili luleme, lino, Zekariya 3. Tuyo bweza buyo ziiminizyo ezi awa, ikuti na Ndi jisi Magwalo angu alembedwe. Nda kali koongolola buyo ku busena boonse, masikati aya, cindi Ne jana ceece. Aboobo Nse—Nse zyi buyo naa Nda cijata kabotu, na pe. Nda syoma Nda cita. Zekariya 3, atu bone na nci... Ndi jisi 89 awa, pele yeelede kuba 8 a 9. Yaa. Yaa. Ndi lizi kuti taikonzyi kuba 89. Zekariya 3:8 a 9.

Koswiilila lino, O Joshua mupaizi mupati, yebo, a balombwana bako abo bakkala a nduwe: nkambo mbantu bagambwa: nkambo, bona, Njo leta mulanda wangu i MUTABI (Kristo).

Nkambo bona bbwe elyo Ndoyo bikka kumbele ly a Joshua; atala (bbwe) lyomwe bbwe kiyooba meso ali ciloba: (meso ali ciloba), bona, Ndiyo gwala zyakugwala aali ndiyo, mbwaamba MWAMI wa makamu, ... Njo gusya bubi bwa nyika mu buzuba bomwe.

²³⁶ Lino atu vunune kuli Zekariya 4:10, 4:10. Amuswiilile.

... oyo waka sampaula buzuba bwa zintu ziniini (Leza mu buubauba, mwabona)? nkambo bayo tangala, alimwi... bona cipimyo mu maanza aa Zerubabelo a oyo... a ciloba eco; aya meso aa MWAMI, ayo alangalanga koonse ku nyika.

²³⁷ “I meso ali ciloba.” Meso caamba “kubona.” Kubona caamba “basinsimi, balunguluzi.” Oyu Kabelele waka jisi meja ali ciloba, alimwi aa Iwija alumwi lwaka jisi liso, “meso ali ciloba.” Ino ncinzi? Kristo a Nabwiinga Wakwe; makkalo aa mbungano ali ciloba. Kuzwa waawo kwakali basinsimi bali ciloba abo bakaunka, balunguluzi bali ciloba, meso. Aboobo, umwi wamamanino weelede kuba mulunguluzi. [Mukwesu Branham wakonkomona aa cikambaukilo ziindi zyobilo mbuli mbwaamba kuti, “mulunguluzi.”—Mu.] Yaa.

²³⁸ Amubone, Tali munyama. “Wa kabweza Bbuku kuzwa mu janza lya lulyo lya Nguwe waka kkede aa Cuuno cabwami.” Ino wakali Ni? I—i Mwini, Mwini mutaanzi, oyo waka jisi Bbuku lya Lununuko mu janza Lyakwe lya lulyo. Elyo taakwe Angelo, taakwe Cilenge Caangelo, kwiina cintu cimbi, caka konzya kubweza busena. “Elyo oyu Kabelele uuzwide malowa wakeenda kuzwa a kubweza Bbuku kuzwa mu janza Lyakwe.” Fyuu! Ino cakali cinzi? Mukwesu, eci ncintu ciboteleyza loko mu Lugwalo. Incito eyo itali ya Angelo, kwiina umwi, wakali kukonzya ku cicita. “Elyo Kabelele wakasika aku Li bweza kuzwa ku janza lya lulyo lya Nguwe oyo waka kkede aa Cuuno cabwami.”

²³⁹ Ino ncinzi? Lino Li zulilwa ku Kabelele. Ameni. Milao ya Leza yakayanda. Ngo Nguwe Uli jisi. Mulao wa Leza wakayanda Sikamukowa Munununi. Elyo Kabelele wakazwa, ka Li jisi, “Ndili Sikamukowa wabo. Ndili Munununi wabo. Mebo lino. . . Nda ba kombelezezya, alimwi lino Nda boola kutaminina inguzu zyabo kuli mbabo.” Ameni. Ngooyo Umwi luzutu. “Nda boola kutaminina inguzu zyabo. Muli ceeco, bali jisi inguzu ku zintuzyonse zyaka sweeka mu kuwa, alimwi Nda kabbadela muulo.”

²⁴⁰ Oh, mukwesu! Fyuu! Sena eco taci mubambi kulimvwa cabukombi mukati? [Mbunga yaamba, “Ameni.”—Mul.] “Kutali ku milimo mibotu eyo njo twa kacita, pele ku luse Lwakwe.”

²⁴¹ Oh, amulindile aniini! Elyo balo baalu a zintuzyonse zimbi zyaka talika kuwaala misyini, a balemekwa baka talika kuvundama aansi, mwabona.

Taakwe umwi, taakwe umwi wakali kukonzya kucicita.

²⁴² Elyo Walo weenda nkoonya ku janza lya lulyo lya Leza, a kubweza Bbuku kuzwa mu janza Lyakwe, a kutaminina inguzu Zyakwe. “Nda kaba fwida. Ndime Sikamukowa wabo Munununi. Ndime. Ndime Sikwiimaakati. Bulowa Bwangu bwaka tilwa. Nda ba Muntu. Elyo Nda cita ceeci kutegwa eyo Mbungano ijokele, Umwi Ngwe kabwene kumbele kuzwa ku malengelo aa inyika. Nda ka Ci kanza. Nda ka Ca amba, kuti Ciyo oba. Elyo kwina umwi wakali kukonzya ku Li bweza, pele Nda kaseluka a kucicita, Lwangu. Ndime Sikamukowa wabo. Nda ba simukowa.” Elyo Wa bweza Bbuku. Ameni!

²⁴³ Oh, Nguni uulindila ndime Okuya sunumasiku? Nguni oyo Umwi, mbungano, oyo ulindila Okuya? Ncinzi cimbi cikonzya kulindila ndinywe Okuya? Oyo Sikamukowa Munununi! Oh, ma! Ino nkaambo kabotelezya, na mucito!

²⁴⁴ Lino Walo ujisi taito diidi ku lununuko. Uli Li jisi mu janza Lyakwe. Kwiiimaakati kwacitwa lino. Uli Li jisi mu janza Lyakwe. Amuyeeye, Ly aki mu janza lya Leza, ziindi zyoonse, pele lino Lili mu janza lya Kabelele. Lino amulangilile. I taito diidi lya lununuko, lya bulenge boonse, lili mu janza Lyakwe. Elyo Wa sika ku Li taminina kujoka, alyalo, nkambo ka mukowa wabantu. Kutali ku Li taminina kujokela ku Baangelo. Waka Li taminina kujokela ku bantunsi, oko nko Ly a kapegwa, kubamba bana basankwa a basimbi iba Leza alubo; kuba josya ku muunda wa Edeni, zintuzyonse nzoba kasweekelwa; bulenge boonse, masamu, buumi bwa banyama, zintuzyonse zimbi. Oh, ma!

²⁴⁵ Sena eco tacimu bambi kulimvwa kabotu? Fyuu! [Mbunga yaamba, “Ameni.”—Mul.] Ndali kuyeeya kuti Nda katala, pele Nse katede lino. Mwabona? Ziindizimwi Ndi yeeya kuti Nda ba—yabu cembaala loko ku kambauka, elyo mpawo Ndi bona cintucimwi mbuli ceeco, elyo Ndi yeeya kuti Ndili mwaalumi

mukubusyi alubo. Iiyi. Uh huh. Humu! Ci cita cintucimwi kuli nduwe. Mwabona?

²⁴⁶ Nkambo Ndi lizi eci, kuti kuli Muntuumwi Okuya undilindila. Kuli Muntuumwi waka bbadela muulo oyo Ngwe takali kukonzya. Mbo mbubo. Wa ka cicitila ndime, Charlie. Wa ka kucitila a nduwe. Wa kacicitila mukowa oonse wabantu. Elyo lino Wa yutukila kutaminina inguzu Zyakwe zyalununuko. Kucitaminina nkambo kani? Kutali kuli Lwakwe; kaambo kesu. Ngumwi wesu. Ngu simukowa wesu. Oh, ma! Walo Mukwesu wangu. Ngu Mufutuli wangu. Ngu Leza wangu. Ngu Sikamukowa Munununi wangu. Ngu zyoonse. Nkambo Nda kali ni kakutakwe Nguwe, na Ne kakonzya kuba buti kakutakwe Nguwe? Aboobo, mwabona, Ngu Zyoonse zyangu. Elyo Uli imvwi Alya mbuli simukowa. Elyo lino Ula tu kombelezezya, kale kusikila ku ciindi eci. Elyo lino Wa yutukaa a kubweza Bbuku lya Lununuko, ku kutaminina inguzu Zyakwe, zya ceeco Nca ka tucitila.

²⁴⁷ Bala fwa. Jesu wakati, "Oyo uusyoma ali Ndime, nekubakuti wa kali fwide, uyo pona. Kufumbwa mutu uupona a usyoma ali Ndime taka fwi pe. Oyo ulya mibili Wangu a kunywa Bulowa Bwangu uli jisi Buumi buteeli, alimwi Njo mibusya ku buzuba bwa kumamanino."

²⁴⁸ Takukwe makani, walo woona mu kulangila kutaanzi, kwabili, kwatatu, kwane, kwasanu, kwacisambomwe, na kwaciloba, kufumbwa awo mpa wonena. Ncinzi ciyo citika? I mweembo wa Leza uyo lila. Eyo mpeta yamamanino iyolila canguzu, ciindi neiconya angelo wamamanino anoopa Mulumbe wakwe alimwi Cinamatizyo camamanino cajulwa. Oyo mweembo wamamanino uyo lila, elyo Munununi wayutuka kubweza zikono Zyakwe zyaka nununwa, Mbungano Yakwe, yakasanzigwa ku Bulowa.

²⁴⁹ Lino, oh, bulenge boonse bulede mu janza Lyakwe lino, awo bubambe boonse bwa lununuko mpo lunamatikidwe kwiinda ku Zinamatizyo zili ciloba zyamaseseke, mu Bbuku eli Ndyakabweza. Lino amulangilile. "Elyo Walo alikke ngu ukonzya ku Li yubununa kuli uli oonse Ngwa yanda." Uli Li jisi mu janza Lyakwe, mwabona. Lino, Wa ka cisymezya kuyooba ku ciindi eco, lino, nkambo Li linamatikidwe aa Zinamatizyo zili Ciloba zya maseseke, Bbuku lya Lununuko. Lino amulangilile. Mbuli lino...

²⁵⁰ Beenzuma, Nda mwaambila, kuteeti ndamu kotola a eiti theeti, pele Nda vununa mapeegi otatwe na one awa, ku kujana ceece. Aboobo Ndi yanda... Nda inda kale aa naini. Kutegwa muka konzye kujokela juunza.

²⁵¹ Pele lino mu Bbuku eli lya zipanzi zili ciloba lya Zinamatizyo, lya lununuko, elyo Kabelele ndya kabweza, muli Lwakwe, wali Umwi biyo Oyo wakali kukonzya kucicita. Elyo

Wa ka Li bweza kuzwa mu janza lya Nguwe waka kkede aa Cuuno cabwami, lino, ku kutaminina zyalununuko Lwakwe, ku kutaminina inguzu Zyakwe. Ku kutaminina, nkambo ka ndime a nduwe, kuzwa kooko Nkwa katununwida, ku, bona, kujoka ku zintuzyonse ezyo Adamu nzya kasweekelwa mu muunda wa Edeni. Wa ka tunununa kujokela kuli oyo.

²⁵² Lino a Kabelele, a Bbuku mu maanza Aakwe, tuli libambilide kulombela luzyalo Lwakwe a luse aali ndiswe, ku kujula Bbuku lya Zinamatizyo zili Ciloba kuli ndiswe, a ku tulekela kulanga kwindilila cisitilizyo ca ciindi, aniini buyo. Oh, ma! Amubone cindi Na kabweza Bbuku, taito diidi, yakanamatikidwe, (amumvwisye buyo eco mu mizeezo yanu lino), a kunamatula Zinamatizyo zya maseseke, ku ziyubununa, aku zileta kuli Bakwe, mwabona, boonse balelwa Bakwe bakanununwa.

²⁵³ Lino, cindi twa njila eci mu Zinamatizyo, tuyu pilukila okuya a kubona myuuya ili kunsi lya cipaililo, kailila, “Mwami, kulamfu buti, kulamfu buti?”

²⁵⁴ Elyo mpaawa Uli mbuli Sikwiimaakati, aa cipaililo, “Ciindi buyo cisyoonto, kusikila kwaba bambi beeleder kupenga mbuli ndinyewe.”

²⁵⁵ Pele lino Wa boola kuzwa awa, ku Cinamatizyo eci camamanino. Ta cili Sikwiimaakati. Walo Mwaami lino. Elyo ncinzi Nca cita? Ikuti na Walo Mwaami, We elede kuba a balelwa. Elyo balelwa Bakwe mbaabo Mba kanununa, alimwi taba konzyi kuboola kumbele Lyakwe kusikila Wa bweza inguzu zya lununuko. Elyo lino We enda ambele, kuzwa kuli Sikwiimaakati; oko lufu nkolwa katubikka mu cuumbwe, Wa yutuka a inguzu. Ameni.

²⁵⁶ “Elyo abalo abo bapona a baciliko kusikila ku Kuboola Kwakwe, taku kasinkili abo boona. Nkambo mweembo wa Leza uyo lila, ku mweembo oyo wamamanino.” Cindi Cinamatizyo camamanino cakunamatulwa, alimwi cindi angelo waciloba anoopa Mulumbe wakwe, “I mweembo wamamanino uyo lila, nkabela bafu muli Kristo bayo buka. Elyo swebo tobaumi a baciliko tuyu kwempwa antoomwe a mbabo, kuyo Mu swaana mu mulengalenga.” Wa taminina! Wa yutuka lino ku kutaminina cikono Cakwe—Cakwe.

²⁵⁷ Amulangilile! Amulange kuli ceeci! Ma! kanamatula Zinamatizyo, kayubununa maseseke. Kaayubununa (kuli?) ku bukkalo bwa mbungano yamamanino, bamwi biyo bapona. Basyaalizi babo ba loona.

²⁵⁸ Wa kati, “Ikuti na Wa boola mu kulangila kutaanzi, kulangila kwabili, kulangila kwatatu, kuya buselemuka ku kulangila kwaciloba.” Mu kulangila kwaciloba, mpaawo kwakinka ii—ii kulailila, na kwiita kwakuti, “Amubone, Simusa wasika!”

²⁵⁹ Elyo cindi niba kacita, nakalindu oona, mambungano akumazina buyo, kati, “Oh, nywebo mulizi, Nda—Nda syoma kuti Ndi yanda kuba a Muuya Uusalala oyo.” Sa mwakabona ba Presbyteria aba Episcopalia? Sena mwa kamvwa Mulumbe wangu wamu Phoenix, ku baalumi abo baima awo, mu *Jwi* a kokuya, kwaamba...? Ee, ndi penzi nzi ku mulembi oyu, kwaamba, “Taata Uusalala *Niini-a-niini*”? Kakuli, Bbaibbele lyakati, “Mutaiti muntu kuti, ‘Taata,’ mbuli boobo.” Mwabona, balaona a mbabo, ako nkekaambo, pele cindi baa kuyutuka a kwaamba, “Inzya, tula syoma.”

²⁶⁰ Ii mwanakazi wakazwaa kutumina mwanakazi umbi, wakati, “Yebo ulizi, Ndili muna Episcopalia.” Wakati, “Nda—Nda—Nda kaambaula mu myaambo, buzuba bumwi. Nda syoma kuti Nda katambula Muuya Uusalala, pele, shi, utaambilu umwi.” Nda zumbauzya eco maningi. Kwayanda wakaambaula mu myaambo. Pele, waka bikka muntu aa Mulilo, mbobuti mbayo umuna? Mbo mbubo. Mwabona? Mwabona? Konzyi ku cicita.

²⁶¹ Inga mweezezya Petro, a Jakobo, a Johane, a bamwi kutala mu ng’anda yamujulu, kabaamba kuti, “Oh, tuli jisi Muuya Uusalala lino, pele ndiza ncibotu twa umuna buyo”? Mukwesu, kwiinda mu mpulungwido, milyango, a zintuzyonse, ba kainda, kuya mu kagwagwa, kaba lilemeka mbuli cikama ca bakolwi. Oyo Muuya Uusalala wini.

²⁶² Pele, nywebo mwabona, oyo nakalindu woona ta tambuli cintu, nekuba. Uh huh. Mbo mbubo. Elyo amuyeeye, kuciindi niba kainka kuyo sola kuula Mafuta, amuyeeye, Magwalo taambi kuti ba Ka jana.

²⁶³ Pele kuciindi nibakali kubusena kusola kwa Ula, mpaawo kwakasika coongo. Ncinzi cakacitika? Boonse abo banakalindu ba koona, bakabuka a kupukuta malampi abo, “a kunjila mu Cilalilo.” Sa eco cili luleme? [Mbunga yaamba, “Ameni.”—Mul.]

²⁶⁴ Elyo bamwi baka syaalilila ciindi ca Mapenzi, yaa, “Koomoka, kulila, a kuluma ntwin.” Eyo ni mbungano, kutali Nabwiinga; mbungano.

²⁶⁵ I Nabwiinga waka njila. Ndoolo lwandaano akati ka mbungano a Nabwiinga. Iiyi, munene! Uh huh. “Kanjila mu Cilalilo ca Mucado.” Oh, bona, mulombe! [Mukwesu Braham wakamba maanza akwe antomwe lomwe—Mul.]

²⁶⁶ I Zinamatizyo zyaka namatulwa (nkaambonzi?) mu bukkalo bwamamanino, ku kuyubununa Tusimpe otu. Nkaambonzi? I Kabelele wakanamatula Zinamatizyo a ku ziybununa ku Mbungano Yakwe, kutegwa atole balelwa Bakwe ku Bwami Bwakwe. Nabwiinga Wakwe, mwabona! Oh, ma! Walo uyanda kuleta balelwa Bakwe kuli Ngewe lino.

²⁶⁷ Ino ncinzi? Kuzwa ku suko lya nyika, kuzwa ku tako lya lwizi, kuzwa ku malindi, kuzwa koonse a busena boonse, kuzwa ku—kuzwa ku zyooke zya musinze, kuzwa ku paradaiso, kufumbwa mbobanga baba. Uyo ita, nkabela bayo vviila. Amen! Amen! [Mbunga yaamba, “Ameni.”—Mul.] Uyo ita, nkabela bayo vviila.

²⁶⁸ Walo uboola kutola balelwa Bakwe. Wa kayubununa tuziye Twakwe, nkabela ba Ka cibona. “Elyo ciindi taciciko limbi,” ku ciindi eco. “Ciindi ca mana.” Ca manizigwa. Yaa.

²⁶⁹ Walo wasiya Cuuno cabwami, kuba Sikukombelezezya, mbuli Kabelele waka jaigwa; kuba Mulavu, Mwaami; ku leta inyika ku Lubeta, abo baakaka Mulumbe Wakwe. Tali Sikwiimaakati.

²⁷⁰ Amuyeeye kuti Cizuminano Cakale cila yiisya lino, mbuli mbo tubinda. Cindi bulowa nibwa kazwa aa cuuno ca luse, ino cakali cinzi? Cuuno ca lubeta.

²⁷¹ Elyo cindi Kabelele, wakajaigwa, nakeenda kunembo kuzwa ku Butamani, ikuzwa mu aa Cuuno ca Taata cabwami, elyo a kubweza inguzu Zyakwe, cakali Cuuno ca Lubeta. Mpawo Wa kaba, kutali Kabelele, pele Mulavu, Mwaami, alimwi Walo wiitila Namalelo Wakwe kuboola kwiiima ku lubazu Lwakwe.

²⁷² “Sa tamuzi kuti basalali bayo beteka inyika?” Daniele wakati, “I Lubeta lwa kabambwa, elyo mabbuku aka julwa; elyo bali zyuulu zili kkumi taimuzi zyuulu zili kkumi baka Mu kutaukila,” Mwaami a Namalelo. “Elyo mpawo Bbuku limbi lyaka julwa, elyo lyakali Bbuku lya Buumi,” ndya mbungano. Elyo Namalelo a Mwaami baka liimvwi okuya.

²⁷³ Mbuli kuyeeya kwa simbizi weembela ng’ombe mbo kwakati:

Masiku ainda mbuli Mbwe kalala mu nkwaalale,
 Nda kabona nyenyezi mu milengalenga,
 Elyo Nda kalibuzya ikuti na simbizi weembela ng’ombe wakasola
 Kukonzya ku sunzukila oko kubotu kwalino.
 Kuli mugwagwa ku Cooko eco, cibotu cakukkomana,
 Pele nkakondo, kamanikide kasiyasiya, ako nko baamba,
 Pele imwi ni mpati eyo iitola ku lunyonyooko Ili bikkidwe a kuyaka kapati lweendo loonse.
 Ba amba Mwini umbi mupati,

²⁷⁴ Walo ukana mu myaambo ya buumi bwakwe bwa mung’ombe. Mwa kasola kuba ku mulundano, inga mwa cibona antangalala.

Ba amba Mwini umbi mupati,
 Elyo Tana zuzya kwiindilila, obo mbo baamba,
 Uyo bambila sizibi busena lyoonse
 Oyo uyoendela aa kazila kamanikide, aka
 katonkomene.

Ba amba kuti Ta kakusiyi pe,
 Elyo Uli zyi micito a buboneki boonse;
 Nkambo, nkambo ka kukwabililwa, ncibotu
 twa simbwa,
 Kuba a zina lyesu mu Bbuku Lyakwe pati lya
 kubalwa.

Nkambo ba mba kuti kuyooba mulundano
 mupati,
 Cindi basimbizi beembela ng'ombe mbuli
 banamani bamucaala bayoima,
 Kuyo dindwa kuli basilubeta, (balo basinsimi
 a balunguluzi)
 Eco caka bikkwa a kuziba kusimbwa koonse.

²⁷⁵ Ikuti na wakasola kuba ku mulundano, kubona simalela kaimvwi okuya, a basikutanta, a kunjila muli elyo tanga lya ng'ombe. Uyo bona simbi yakwe kayiinda munsi, alimwi uyo tambikizya kuli simalela. Elyo simalela uyo cibona, a ku mupa kugunaguna. Kambongolo kakwe ka musyobo muniini kayo njila ncobeni, koonse, koonse mu buyake obu, kutenda cikama ca meja mbuli boobo, ku gusya ng'ombe zyakwe. Mwabona?

Ba amba kuti kuyooba mulundano mupati,
 Elyo basimbizi beembela ng'ombe mbuli
 banamani bamucaala bayoima,
 Ezyo ziyo dinwa kuli basilubeta,
 Eco caka bikkwa a kuziba kusimbwa koonse.
 (Mwabona?)

²⁷⁶ Aboobo wa kati:

Ndi yeeyela kuti Ndiyo sweeka nkeli mwaka
 wakukomena,
 Muntu buyo wakapegwa mulandu wa kufwa,
 uutasimbidwe, (walo, baka panga musinza
 kuzwa kuli nguwe, mwabona),
 Eco ciyo gonka mu cikama ca basicisi
 batakweankobaya,
 Cindi Simalela wa basikutanta abo baboola.

²⁷⁷ Mwabona Nguni Oyo? I Simalela wa basikutanta. Oyo ngu Kabelele, ku batumwa bali ciloba abo baka bikka a kuziba kusimbwa koonse. Mwabona? Humu!

²⁷⁸ Amubone, ngooyu Wa sika. Wasiya Cuuno cabwami, mbuli Sikukombelezezya, mbuli Kabelele waka jaigwa; kukuba Mulavu, Mwaami, ku kuleta inyika yoonse mu Lubeta, abo

baakaka. Sikamukowa wesu Munununi mpawo ngu Mwaami uulela boonse. Nkaambonzi? Walo ujisi taito diidi ya lununuko. Yoonse ilede mukati ka janza Lyakwe. Ndili kkomene kuti Ndili Mu zyi. Mwabona?

²⁷⁹ Mpaawo wataminina lukono Lwakwe; eyo ni Mbungano, Nabwiinga. Wa Iyi taminina.

²⁸⁰ Ino ncinzi Nca cita mpawo? Wa gwisya sikuzundana Wakwe, Saatani. Wa muwaalila mu Ziba lya Mulilo, a boonse abo bakananikwa kuli Saatani, ku kukaka Ijwi Lyakwe lya lununuko.

²⁸¹ Ngu Mwaami lino. Luse lucili aa Cuuno cabwami. Muta kaki kupa Kwakwe. Mwabona? I basikutanta bazi buyo obo mbomubede.

²⁸² Elyo, lino, sikuzundana Wakwe, oyo waka Mu pa penzi kwa myaka ili zyuulu zyobilo, kataminina, “Nda konzya kucita a mbabo eco Nce yanda. Ndi ciba jisi. Mbi bangu. Ndi...Ba kasweekelwa taito kaindi okuya.”

²⁸³ Pele Ngu Sikamukowa Munununi. Wa kati Wa kapilukila awa ka kombelezezya lino. Pele buzubabumwi...

Wa amba, “Njo babikka mu cuumbwe.”

²⁸⁴ Pele Wa kaambila Mbungano kuti, “Njo mugusya.” Mwabona? “Pele, lutaanzi, Nde elede kuba Sikukombelezezya.”

²⁸⁵ Lino Wa yutuka, wapola kuzwa ku Butamani kulaale oko, kuzwa ku Cuuno cabwami ca Taata, awo Mpa kakkede mbuli Sikukombelezezya. Lino Wa boola kuba Mwaami, oh, kweendelezya masi oonse a musako wa butale. Lubeta lwabambwa. Oh, mukwesu, Sikamukowa wesu Munununi uli kujisi koonse. Mbo mbubo. Iiyi, munene.

²⁸⁶ Ino ncinzi Nca cita? Walo wiita elyo janza lya sikuzundana, Saatani. “Mbi bangu lino. Nda babusya kuzwa ku cuumbwe.” Elyo Walo ubweza babeji boonse, a basikupilinganya Ijwi, a boonse bali booboo, a Saatani,aku banyonyoona mu Ziba lya Mulilo. Waa maninina koonse, lino. Waba waalila mu Ziba lya Mulilo. Oh, ma!

²⁸⁷ Nywebo mulizi na? Ndi yanda—Ndi yanda kwaamba cintucimwi awa katu tana jala. Elyo mpawo tuyō—tuyō—tuyō binda. Amubone. Tula anselelelo lino ku kampango ka 7. Pele kuzwa ku kampango ka 8, kusika kuli ka 14, Ndi yanda kuti muzibe eco cicitika.

Boonse abo bakali *ku julu, alimwi* boonse abo bakali *mu nyika*...

²⁸⁸ Amuswiilile buyo kuli ceeći. Andi cibale buyo lino. Ndi syoma kuti inga cabota Nda cibala buyo kuzwa mu Bbuku, a kampango ka 7, mwabona. Elyo amulangilile kampango ka 6.

Elyo Nda—elyo Nda kabona, kabona, alimwi, bona, aakati ka cuuno cabwami a banyama bone, alimwi aakati ka baalu, kwakaimvwi Kabelele mbuli bwaka jaigwa, kajisi mitwe ili ciloba...na meja ali ciloba (Nce amba) a meso ali ciloba, (twa zwaa kucipandulula), ili Myuuya ili ciloba iya Leza yaka tuminwa ku nyika yoonse.

²⁸⁹ Mwabona, makkalo aa mbungano ali ciloba, batumwa bali ciloba abo bakabamba Mulilo kauyaka. Mwabona? Yaa.

Elyo wa kasika (Kabelele) a kubweza bbuku kuzwa mu janza lya lulyo lya nguwe oyo waka kkede aa cuuno cabwami—kakkede aa cuuno cabwami.

²⁹⁰ Lino amulangilile. Elyo cindi Na kacita ceeco, amulangilile caka citika. Nywebo mwaambaula makani aa jubbili! Lino eci cili mbubonya mu kunamatulwa kwa Zinamatizyo, cicitika. Tula njila mu “cisela ca oora lya luumuno,” kwamana buyo eci. Amulangilile eci, elyo tula talika mukati. Tuyo manizya ceeći, masiku aa Munondo mutobela, mpoonya awa. Elyo amuswiilile kabotu lino. Sa mwa libambilä? Amwaambe, “Ameni.” [Mbunga yaamba, “Ameni.”—Mul.] Amuswiilile kabotu, eco caka citika cindi Na kacita ceeci.

²⁹¹ Cindi bulenge boonse ni bwakali kutongela; kunyina wakazi cakucita, nkabela Johane wakali kulila. “Mpaawa kwasiaka Kabelele, keenda kumbele!” Elyo eli Bbuku lyakali mu maanza aa—aa Mukamwini mutaanzi, nkaambo muntu wakawa aku Li sweekelwa. Elyo kunyina muntu wakali kukonzya ku Li bweza, limbi, ku kunununa nyika; kwiina mupaizi, poopu, na cintu, mbuli Mbwe amba. “Pele Kabelele wakalibonya!” Taakwe Mariya, taakwe musalali *oyu*, na musalali *oyo*. “I Kabelele wakalibonya, kazwide malowa, wakajaigwa, a kubweza Bbuku kuzwa mu janza lya lulyo lya Nguwe oyo waka kkede aa Cuuno cabwami.” Elyo cindi niba kabona awo cuti kwakali Munununi; a yoonse i—i myuuya kunsi lya cipaililo, cindi Baangelo, cindi baalu, cindi zintuzyonse nizya kacibona, cindi eci nicaka citwa. Calo, nekuba, cili muciindi ciciza. Sunumasiku Ngu Sikwiimaakati, pele Ula boola kuli ceeci. Amulangilile.

Elyo ciindi naka bweza bbuku, banyama bone alimwi i baalu bali makumi obilo abone baka wida aansi kumbele lya Kabelele, aumwi wabo kajisi kantimbwa, a mitiba ya ngolide iizwide tununkilizyo, ili mipailo ya i basalali.

²⁹² Mbaabo bali kunsi lya cipaililo, abo bakapaila, kwa ciindi cilamfu. Mwabona, ba kapailila lununuko, kapailila bubuke. Elyo awa baalu aba—aba batila mipailo yabo kumbele... Nkaambo, lino tuli jisi Sikwiiminina, tuli jisi Sikamukowa ku Julu, oyo wayutuka ku bamba kutaminina Kwakwe.

Elyo ba kaimba lwiimbo lupya, lwaamba kuti, Yebo ulelela kubweza bbuku, a kujuila zinamatizyo zyaloy:

nkambo wa kajaigwa, a kutu nununa kuli Leza wesu (amulangilile) kwiinda ku bulowa bwako kuzwa ku misyobo yoonse, . . . mwaambo, a bantu, a cisi;

Elyo waka tubamba kuli Leza kuba bami a bapaizi: nkabela tuyo lela aa nyika.

²⁹³ Ba kali kuyanda kupiluka. Elyo mpaawa bala piluka, ku kuba bami a bapaizi.

²⁹⁴ Bulemu kuli Leza! Nda limvwa kabotu bweelede kwaambaula mu myaambo. Amulange. Amulangilile. Iiyi. Kuboneka mbuli kuti Nse jisi mwaambo uukubwene; Ngwe konzya ku Mu lumbaizizya. Ndi yandikana omwe oyo Ngwe ntazi awalo.

²⁹⁵ Amubone, “Elyo Nda kabona . . .” Amuswiilile kuli ceeci.

Elyo Nda kabona, alimwi Nda kamvwa jwi lya baangelo banji . . .

²⁹⁶ Amuswiilile jubbili izumanana! Elyo cindi niba kabona Kabelele kasika a kubweza elyo Bbuku lya Lununuko, myuu ya kwiila. Tula cijata. Boonse, zintuzyonse, baalu baka wida ansi. Ba katila mipailo ya basalali. Inzi? Kwa katondezegwa Sikamukowa wa ndiswe. Ba kawida ku masyu abo. Elyo ba kaimba lwiimbo, a kuti, “Yebo uleelela, nkambo Wa kajaigwa!” Amulangilile cintu . . . Elyo amulange aba Baangelo!

Elyo Nda kabona, alimwi . . . kamvwa jwi lya baangelo banji bazungulukide cuuno cabwami a banyama a baalu: a mweelwe wabo wakali zyuulu zili kkumi taimuzi zyuulu zili kkumi, . . . zya zyuulu; (Fyuu! Amubone!)

Kwaamba a jwi pati, Weeleta ngu Kabelele oyo waka jaigwa ku tambula nguzu, a buvubi, a busongo, a nsana, a lulemeko, a bulemu, a zileleko.

²⁹⁷ Ino ni jubbili ili mukucitika ku Julu, cindi oyo Kabelele nasololela, aasiya bbokesi elyo lyaku kombelezezya, ku boola awa ku kuvuba kutaminina Kwakwe!

²⁹⁸ Nywebo mulizi, eco cakatobela Johane. Wa keelede kuti wakabona zina lya kalilembedwe omuya. Cindi Zinamatizyo nizya kanamatulwa, weelede waka kkomana kapati. Amuswiilile eco nca kaamba.

Elyo zilenge zyoonse zyakali ku julu, a mu nyika, a kunsi lya nyika, . . . mbuli ceeci . . . mukati i ka lwizi, a zyoonse ezyo . . . muli nzizyo, zili muli nzizyo, zyakandi mvwa, Mebo kwaamba, Zileleko, . . . lulemeko, . . . bulemu, . . . nguzu, zibe kuli nguwe oyo ukkala aa cuuno cabwami, a ku Kabelele kwa lyoonse . . . (Ameni! Amen, alimwi ameni! Oh!)

Elyo banyama bone bakati, Ameni. Elyo banyama bali makumi obilo a bone baka wida ansi a ku mukomba oyo uupona kwa lyoonse a lyoonse.

²⁹⁹ Amwaambaule kujatikizya jubbili, amwambaule kujatikizya ciindi, elyo Kabelele oyo nakeenda kumbele! Mwabona, Bbuku akwalo lili namatikidwe ku Julu, maseseke mbwa bede.

³⁰⁰ Kwaamba, “Sa kuli zina lyangu omuya?” Ta ndizi. Nda syoma nkolili. Pele, ikuti na nkolili, lya kabikkwa mu Bbuku kuzwa ku malengelo aa inyika.

³⁰¹ Pele cintu citaanzi, eco cakaiminina olo lununuko, kwakasika Kabelele oyo waka jaigwa kuzwa ku malengelo aa inyika. Elyo Wa kabweza Bbuku, (bulemu!) waka jula Bbuku, a kubbanuna Zinamatizyo; a ku Zi tumina ansi aa nyika, kuli angelo Wakwe waciloba, ku Ci yubununa ku bantu Bakwe! [Mbungano yatangala kapati—Mul.] Nceeco we. Oh, ma! Ncini cakacitika? I kukwiila, koongolola, maaleluya, kananikwa, nguzu, bulemu, a luyubunuko! [Mbunga yazumanana kutangala kapati.]

³⁰² Elyo Johane mudaala, oyo wakaimvvi okuya, mukwesu wesu, kalila! “Baa,” wa kaamba, “zintuzyonse ku Julu, zintuzyonse mu nyika, a zintuzyonse mu lwizi, zya kandimvwa nkeongolola, ‘Ameni! Ameni! Zileleko, lulemeko, a bukozu, a nguzu, zibe kuli Nguwe oyo uupona kwa lyoonse a lyoonse.”

³⁰³ Amwaambaule ciindi caku kkomana, elyo Zinamatizyo nizya kanamatulwa! Johane kweelede kuti wakasondela mukati a kubona kwiindilila cisitilizyo ca ciindi, nkabela wakati, “Nguulya Johane.” Oh, oh!

³⁰⁴ Wa kali kkomene maningi, mane wa kati, “Zintuzyonse ku Julu.” Kweelede kuti wakoompolola ncobeni, tako cita na? “Zintuzyonse ku Julu, zintuzyonse mu nyika, zintuzyonse kunsi lya nyika, zilenge zyoonse, zintuzyonse zimbi, zya kandimvwa kwaamba kuti, ‘Ameni! Zileleko, a bulemu, a busongo, a nguzu, a bukozu, a buvubi, nzi Zyakwe.’” Ameni!

³⁰⁵ Nkaambonzi? Cindi ciyubunuzyo nicaka sika, oyo Kabelele, Munununi, Sikamukowa wesu, wakali jokede kuzwa ku Cuuno cabwami ca ncito ya kwiimaakati alimwi a kweenda kuzwa awa ku kubweza cikono Cakwe. Oh!

Calino Kabelele uyo bweza Nabwiinga Wakwe
kuba ku lubazu Lwakwe kwa lyoonse,
Onse makamu aaku Julu ayo bungana;
Oh, kuyooba kubonekela kwabulemu, basalali
boonse mu zituba zitakwe tumpenda;
Elyo a Jesu tuyo lela Cabutamani.

Oh, “Amuboole mulalile,” Simalela ulaita, (aa
Ijwi), “Amuboole mulalile.”

³⁰⁶ Oh, Nda—Nda—Nda sika kakutakwe majwi, mwabona.

“Amuboole mulalile, amuboole mulalile,”
Inga mwapobola aa tafule lya Jesu kufumbwa
ciindi, (Lino! Pele cindi Azwa, kwiina
bulangizi.)

Oyo Walo wakananina makamu, a kusandula
maanzi kuba waini.

³⁰⁷ Oyo wa kati, wa, “Oyo uusyoma ali Ndime, milimo eyo Nje
cita uyo icita awalo.” Oh, ma! Oyo wa kasyomezya zintu ezi
mu mazuba akumamanino. Oyo wa kaamba zintu ezi. Oyo lino
uli mu ciindi ca ciyubunuzyo ca zintu ezi zili mukuyubununwa.
“Amuboole mulalile.” Oh, uta Ci impyi, mukwesu wangu.

Lino atu kotamike mitwe yesu aniiini buyo.

³⁰⁸ Masiku juunza, ku luzyalo lwa Leza, tuyu sola kunamatula
eco Cinamatizyo Citaanzi, ikuti na Leza uyo Ci namatwida
ndiswe a ku tulekela kubona eci ciyubunuzyo caka, “sisidwe
kuzwa kumalengelo aa inyika.”

³⁰⁹ Katutaninga kucita ceeco, mweenzuma sizibi, na
simbungano ukasaala buyo, sa ujisi buyo bumembala mu
cikombelo, na sa to jisi bumembala? Elyo ikuti na ujisi buyo
bumembala, inga waba munsi kapati akwalo kuleya kacitako.
Uya ndikana Kuzyalwa. We elede kusika ku Bulowa. We elede
kusika ku cintucimwi eco cimwaya cibi, mane takucikwe
ciibalusyo ca ncico.

³¹⁰ Ikuti na tona libambil, kwalo, kuswaana Kabelele
mu mulengalenga! Elyo ku nguzu zibikkidwe muli ndime
kwiinda ku kutumwa kwangu, zyakapegwa kwiinda kuli Leza
Singuzuzyonse, a kukutaukwa kuli ndime kwiinda kuli Angelo,
Musumpululu wa Mumuni, Nda kulailila, mu Zina lya Jesu
Kristo! Uta kasoli ku Mu swaana a bumembala biyo bwa
cisangabalilo ca cikombelo ca nyika eyi.

³¹¹ Boola, kuciindi Sikwiimaakati, kuciimo mbuli Mbwe zyi,
ucili aa Cuuno cabwami, kubamba nkcombeleyo. Nkaambo,
kuyo boola buzuba noya kuyanda kusika, nkabela takunooli
Sikwiimaakati. Nkambo ikuti na twa bona oora ndyo tu
pona, mu bukkalo bwa mbungano yaciloba, a maseseke aa
Leza kaaba obo mbwabede, a kusimpikizigwa kwa Muuya
wa Leza kutondezya zintuzyonse ezyo Nzya kasyomezya mu
mazuba akumamanino, nciindi cinji buti cisyeede? Mweenzuma
sizibi, boola.

³¹² Mwami Jesu, maoora aya bumana. Inga kwaba nokuba
kumuka kwiinda mbo tuyeyea. Elyo tuli kkomene kubona
eli oora liya buswena. Ndi oora lya bulemu kapati elyo
inyika ndyo ya sola kuziba, ku musyomi. Pele, kuli sikukaka,
nciindi cakuusa kapati eco cikonzya kusola kuba. Taku konzyi
kujanwa mabala mu alufabbi, tubala twa kupanga mabala,

ayo akonzya kupandulula penzi a buusu obo bulede kunembo. Alimwi takukwe mabala aliko akonzya kupangwa, kuzwa ku alufabbeti yesu, ku kupandulula zileleko ezyo zilededekunembo zya musyomi.

³¹³ Taata, ndiza kuli bamwi, sunumasiku, okuno batakwe bulangizi. Elyo balo mbantunsi bacenjede. Elyo lino ikuti na Bulowa bucili aa Cuuno ca Luse, akulekela Kabelele kweenda kuzwa ku Cuuno cabwami, kuya ku myoyo yabo, sunumasiku, a kuba yubunwida kuti bali sweekede. Elyo a maanza aazwide Malowa, kwaamba, “Bool, nocicili ciindi ca kuboola.”

³¹⁴ Nda aba Mulumbe, Mwami, a mupailo wangu, ku maanza Aako. Kocita kufumbwa Nco yanda, Taata, mu Zina lya Jesu.

A mitwe yesu kiikoteme.

³¹⁵ Ikuti na tookkwanya nkumbizyo eyi a ceelelo eci! Ikuti waka syoma biyo mu mbungano yako! Kwakanyina cintu caka konzya kunununa. Ikuti na waka syoma mu nkcombeleyo ya musalali umwi, uci sweekede. Ikuti na waka syoma mu milimo ya maanza ako, cintucimiwi eco ncoka cità, milimo mibotu, uli sweekede. Ikuti na waka syoma mu i—mu mupailo wa banyoko, na bululami bwa banyoko, bwa bauso; ikuti na waka syoma muli ceeco, uli sweekede. Ikuti na waka syoma kunyanyamukwa kumwi, kulimvwa kumwi kweenzu, kuyuuntana kumwi, kwa kwaambaula mu myaambo, na kuzyana! Ikuti na nku koonse nkoka syoma, aku taziba Kabelele, cigaminina, to Mu zyi pe, nkokuti, Nda kulailila kunembo lya Leza, lulamika cintu eco, lino, kuli Leza.

³¹⁶ Kunsi kwa moyo wako, kopaila. Elyo koba mubombe buyo, nkaambo Leza ula lisisa mu buubauba. Ula yeeya, Bbaibbele lyakati, “Boonse bakasyoma baka yungizigwa.”

³¹⁷ Elyo kuciindi notu kukombela, Nda syoma ula bamba muzeego (wako) umwi Utamani, “Mwami, Njo ti, ‘Iiyi!’” Elyo muzeego ndi “bbwe.” Pele ino ndibbotu nzi bbwe kakutakwe sikubeza mabwe oyo ukonzya kuli fala, ku kupanga buyake, ku kweelela buyake? Mpawo, lekela Muuya Uusalala kukufala kuzwa obo mbobede, kukuba mbo elede kuba. Ikuti na uli membala buyo uusiniziye; ikuti na nduwe sizibi; kufumbwa mbobede; ikuti na to jisi Kristo, to jisi Muuya Uusalala, Lezaakupe luumuno, sunumasiku.

³¹⁸ Lino, Mwami, mbuli cakubatama mbuli Mbwe zyi ku boola, alimwi mbuli—mbuli ca Malembe mbuli Mbwe zyi nzila ya kusika, Nda boola lino a baaba Mbe tuula kuli Nduwe, a Ijwi. Nda syoma, Mwami, kuti Ijwi lya jana busena Bwalyo mu moyo wa bantu, sunumasiku.

³¹⁹ Ikuti na kuli bali boobu okuno batazi, na kutaba a kaanzambwene ako ka Busyu bubotu bwa Muuya Uusalala bukkalilila mu buumi bwabo; kuti, kunyema, kukwankana, na

kuliyanda, na cintucimwi cagonka Cintu eci cipati kuzwa kuli mbabo, alimwi caba bamba ku Ci tantamuka; na buzumini bwabukombi bumwi, na—na—na kunyanyamukwa kumwi, kwaba tantamuna kuzwa ku bubotu bwa luswaanano lwa Leza; kuti lino ciyo angululwa!

³²⁰ Elyo oyo Kabelele, oyo Sikamukowa uuzwide Malowa, uusalala waka boola keenda kuzwa ku Cuuno cabwami, kuselemuka kwiinda mu Mimuni yamaseseke ya mwakwiindila mwa Cuuno cabwami ica Leza, kweenda kuya kukutaminina lukono Lwakwe! Leza, kopa, sunumasiku, kuti ba Mu tambule. Akube kuti muzeeso aumwi ubambwa cakusiniza, alimwi akube kuti balipe lwabo kuli Nguwe alikke Oyo ukonzya kuba fala a kubamba kuba bana balombe abasimbi iba Leza.

³²¹ Lino, mu mupailo wakusiniza, Ndi cita nzila eyi Nje limvwa kusololelwu kucita. Mu kusiniza, kumbele lya Leza, mbuli Mbwa litondezya Lwakwe kuli nduwu. Alimwi tokali Munakristo, na tokali obo mbo twiita ii...Kutali ii—kutali ii—ii—ii sikusangana kabungwe, pele Nda amba Munakristo wakazyalululwa. Pele ula syoma cakusiniza kuti Mulumbe ngwa bwini, alimwi ula syoma cakusiniza kuti ukonzya biyo kufutulwa kwiinda ku luzyalo lwa Leza. Elyo ula syoma kuti Walo ukanana ku moyo wako lino. Elyo uyanda ku Mu zumin, alimwi uli libambilide ku Ijwi Lyakwe ku—ku fala kuzwa kuli obo mbobede, a kukumba obo mboelede kuba. Sena inga wapa bumboni mbubonya, kwiinda ku kwiimikila ku matende ako? Ikuti na oyo muntu mpali, alimwi uyanda kubamba oko uli—... oyo ulijisilidi muli zyoonse, kwiimikila ku matende ako.

³²² Taata Wakujulu, Ta ndizi cimbi eco cakucita pele kubalulula Ijwi Lyako. Mbaaba bantu kaimvwi ku matende abo, balimvwa kuti tabana kuba oko nko beelete kuba, kulibambilida ku Kukwempwa oku, nkambo inga kwacitika kakutanaba Cinamatizyo Citaanzi ku julwa kuli ndiswe.

³²³ Elyo, Taata, Nda ba kombela. Nda—Nda, mbuli mulanda Wako, kutuula mupailo oyu kuli Sikukombelezeyya mupati, Kristo. Mbuli mbo bapaila, Nda aba mupailo wangu antomwe ambabo, atala lya Cuuno cabwami ca Leza cipangidwe aa minyanga, oko Cituuzyo cizwide Malowa nko cikkede okuya sunumasiku. Elyo kanji kufumbwa ciindi inga wazwa mu Cuuno cabwami, ku kuyutukila kutaminina cikono Cakwe, mpawo takucikwe luse lusyeede; lwalo ndubeta.

³²⁴ Kopa, Mwami, kuti aba bantu ku matende abo, abo baimvwi; mu myoyo yabo, kubamba kulyambilila kwabo, a kuyanda kulekela Muuya wa Leza kubabumba, alimwi kuba fala, a kubabumba kuba mabwe maumi, mu Ng'anda ya Mwami Leza. Ko cipa, Taata. Nda batuula kuli Nduwe lino.

³²⁵ Elyo Wa kati, “Oyo undaamba Mebo kumbele lya bantu, walo Njo mwaamba kumbele lya Taata Wangu a Baangelo basalala.”

Elyo lino Uli kkede awo, mu busyu bwa boonse, sunumasiku. Elyo ba liimvwi, kaba lyaambilila kuli Nduwe. Elyo, Mwami, ikuti na eco cizwa kunsi lya moyo wabo, masimpe buyo mbuli Ijwi lya Leza mbo liluleme, Yebo ubamba nkcombelezyo zyabo lino, a kubazumina mu i—i mu zilao zya luzyalo a luse zya kusalazya kwa Bulowa bwa Kabelele wacituuzyo. Elyo bayooba Bako, mu Zina lya Jesu Kristo. Ameni.

³²⁶ Lino, nywebo nomubona bantu aba baimvwi ku matende abo, oyu mwaalumi mukubusyi moonya *omuya*, alimwi balo balimvwi, nywebo nomwa limvwa kuti zibi zyoonse a kuzulwa kwamana. Ndi yanda kuti mutambike buyo, nobamwi bali munsi lyabo. Kosukana janza lyabo, a kwaamba, “Mukwesu, Ndino kupailila. Mucizi, Ndila kupailila.” Kosukana buyo janza lyabo, a kwaamba, “Leza aku longezye.” Elyo lino zimwi zizulilwa ku janza lya Singuzuzyonse. Kwaamba, “Njo kupailila, alimwi Ndiyo cita koonse Nkwe konzya kukugwasya mu Bwami bwa Leza.”

Oh, ulaita sunu!
Oh, Jesu ulaita!
Walo ulaita cabuuya sunu!

³²⁷ Sena mula Mu yanda? [Mbunga yaamba, “Ameni.”—Mul.] Sa Tali muboto loko? [“Ameni.”] Oh, ino inga twacita nzi kakutakwe Ceeci? “Muntu taka poneni ku cinkwa cilikke; pele kwiinda ku Ijwi lyoonse lizwa ku mulomo wa Leza, muntu uyo pona.” Oh, kondi sanizya, Mwami, ku Ijwi.

³²⁸ “Muta leki kulibunga lwanu antoomwe, mbuli ciyanza ca batasyomi, alimwi kuti kanji mbuli mbo mubona Buzuba kabuswena.”

³²⁹ Leza nawayanda, masiku juunza, ku luzyalo lwa Leza, Njo sola, a koonse kuli muli ndime, ku Mu lomba ku kombe—... kukcombelezya, kuti maseseke aa Zinamatizyo ezi, mbuli mbo zinamatuka, ziyo ambilizya Ijwi lya Leza ku bantu.

Kusikila Ndi kamuswane, Leza abe andinywe!

³³⁰ Elyo lino Nda pa kuswaangana ku mukwesu wesu mulemu, Mukwesu Neville, mweembeli. Mbangaye bamuyanda Mukwesu Neville? [Mbunga yaamba, “Ameni.”—Mul.] Lino, toonse tula cita. Boola kunembo, Mukwesu Neville. Mukwesu Neville, Leza aku longezye, mukwesu.



*MWAAKWE AAKATI KA MAKKALO AA MBUNGANO ALI CILOBA
A ZINAMATIZYO ZILI CILOBA TNG63-0317E*

(The Breach Between The Seven Church Ages And The Seven Seals)

MATOBELANWA AA CIYUBUNUZYO CA ZINAMATIZYO ZILI CILOBA

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa mu Nsondo mangolezya, Miyoba 17, 1963, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2020 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org